

SVMMMA VENERATIO
DEO

A B

HVMANO INTELLECTV,
DEBITA,

Ob Sapientiam præsertim ac Potentiam.

Authore

ROBERTO BOYLE

NOBILI ANGLO, & SOCIETATIS REGIÆ
Membro Dignissimo.



GENEVÆ.

Apud SAMUELEM DE TOURNES.

*M. DC. XCII.
questo Opuscolo è proibito*

THE [illegible] OF [illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

TRADVCTORIS
PRÆFATIO
AD LECTOREM.



ABES hîc , *Amice Lector* , Philosophi verè Christiani aureum planè de ea , quam Deo ob sapientiam , potentiamque debemus , reverentia , tractatum. Quem Nocturnâ versare manu , versare diurnâ , opera tue pretium futurum est longè maximum : eo enim pietatis sensu ni saxeus omnino sis , animum percelleret tuum , ut in alium te , rerum hic descriptarum frequenti lectione , mutandum omnino confidam. Sed neque tantum ubique ferè hîc invenies quibus cor etiam adamantinum emollium cedat , at plurima etiam passim sparsa quibus intellectus non recreetur modò , sed & rapiatur in admirationem : quam multa enim scitu digna de Cælis , de stellis cæterisque Dei operibus positurus tibi est ob oculos hic tractatus ; quædam etiam complectitur omnino ad rem , de mundorum multiplicitate , de novarum creaturarum , quoad omnia ab iis quæ nunc existunt , discrepantium creatione , quibus omnibus vel ipsi etiam curiositati fiat satis superque. Caterum

PRÆFATIO.

quam doctè, acutèque scribat prænobilis hic auctor novit Anglia, novit Gallia, novit Italia, nec Europa tantùm tota sed & orbis prope universus: quàm verò Christianè, pièque vivat tum alia ejusdem lucubrationes fidem faciunt, tum hæc ipsa quæ tuis jam præ manibus est, locuples erit de novo testis plurima enim de Dei & sapientia, & potentia ne obiter quidem ab aliis commemorata exhibet, quibus & syncerior divinatorum attributorum idea in nobis generetur, & amor noster fortius alliciatur, & eademum concitetur admiratio non quæ ignorantiam agnoscat suæ causam, sed quæ ab ipsa clariore jam, altiorèque Dei notitia ducatur originem.

Porro monendus hîc, amice lëctor, es, me quidpiam præter auctoris opinionem hoc in opusculo ausum esse, non tamen temerè nîfallor, nec præter tuam: quædam enim, frequentius quàm parerat, existimarat is inculcata, aut quòd non iisdem omnia temporibus conscripta forent, repetita etiam interdum, quæ quidem prætermittere omnino, aut certè contrahere statuerat; sed quorum ego seu contractionem, seu omissionem in lëctoris emolumentum minime fore ratus, Authorem oravi, atque exoravi demum ut meærem decissioni permitteret. Cum itaque perpauca animadvertierem repetita, ac simili in argumento, quædam etiam, ut altius infideant animis, necessariò contendere esse repetenda, id tandem effeci ut auctor exemplar Anglicanum relinqueret prorsus immutatum: quod ubique proinde, exprimere impigrè conatus sum eo scriptionis genere quod proposito hîc argumento maxime conveniat. Vale itaque & nobilem hunc magni ingenii sætum veste à me Latinà donatum amplectere, ama, fove.

Tibi addictissimus

D. A. M. D.

PRÆMONITIO.



ON erit, ut spero, cur abruptum non nihil hujusce tractatus exordium quisquam demiretur, ubi resciverit, integrum hoc opusculum nihil esse aliud quàm quoddam dissertationis cujusdam fragmentum, à qua quibusdam de causis hâc separatam formâ fuerat; sub qua inchoatum tantum rudimentum haberi debet: Ea enim est hujusce argumenti nobilitas, ac sublimitas, majestâsque tanta ut non existimarit author prima sua de eo cogitata publici juris esse facienda, donec accuratè eadem recastigarit emendaritque, paucosque adedò in iis novos reliquerit quàm per argumentum tam latè patens, ac sublime suoque adedò impar ingenio liceret. Dissolutæ, ex quibus hic tractatus constant, schedæ, dissitis & temporum, & locorum intervallis oxararæ fuere, præcipitantèrque, ac raptim quasi consutæ; adedò ut dum posteriores implerentur, priores sæpe ad manum non adessent. Si qua igitur è multis minùs aptè collocata fuerint, aut etiam fortè repetita, digna, spero, veniâ futura culpa est, utpote quæ excusari faciliùs possit, quàm ab authore in tali rerum situ vitari poterat. Postremò præmonitum te velim duos illos aut tres longiores locos parathesibus inclusos, authoris consensu, atque etiam consilio, præteriri posse, quod conjecturæ tantùm quædam sint, eorùmque in gratiam scriptæ, & hic insertæ, quos *virtuosos* vocant, ac audaciores ejusmodi speculationes amant.

* *Tavathesium nota ejusmodi sunt. (.)*





DE SUMMA VENERATIONE

QUAM HUMANUS INTELLECTUS

DEO debet.



NGENUE^s hîc loci dicam ac indignabundus nec absque stupore aliquo, esse quosdam homines, & Theologos quidem nonnullos qui non animadvertentes vel quid Deus, vel quid ipsimet sint, de divinis attributis non minùs liberè, ac impræmeditatò, quàm de Geometricis mechanicisque figuris garrire ausint: adeò ut etiam ii qui minus sibi arrogant, loquantur quasi naturam, perfectionisque incomparabilis illius, supremique *Entis* comprehendere intellectu suo possent: de quibus quantumvis abstrusis non aliter opinari, ac disserere audent, quàm de iis rebus, quæ aut intellectûs humani acumen unanimi omnium hominum consensu non transcendunt, aut inter familiaria, obviâque quotidie sensûs objecta reperiuntur.

Hæc autem eorum hominum incogitantia, aut arrogantia potius variis quidem modis, si per otium liceret, demonstrari posset: duos autem hosce tantùm impræsentiarum adhibebo. Docebo itaque primùm verosimillimum esse varia existere in Deo attributa, adeoque & perfectiones adhuc nobis incognitas; tum eorum attributorum, quæ aliquatenus novimus, effectûs esse adeò abstrusos, ac proprietates adeò sublimes ut captum humanum longè multùmque transcendant: unde authorem nec mirari satis, nec pro meritis venerari possumus.

¶ Ut igitur ab altero propositorum exordium ducam; Cùm geminis præcipuè modis divinorum notitiam attributorum assequi possimus, contemplatione scilicet ipsius operum, *verbisque* divini studio, pro du-
bio

bio omnino haberi posse puto, utrum alterutrum, an utrumque horum omnes illius perfectiones indicare nobis possit.

Ac primò quidem licet Philosophi sat conformiter rationi potestatem, sapientiam, bonitatemque Dei ex characteribus, conspicuis ejusdem operibus inscriptis, deduxerint, verumtamen cum ipsorum divinorum attributorum, quæ creaturæ indicant, participatione aliquâ licet imperfectâ similitudinisque ipsamet gaudeant, cumque divinæ, aut ita loquar, fecunditas naturæ ea sit, cujus excellentia participari, aut exhiberi nescio quot modis possit, qui nobis constare queat non inesse *enti* adeò perfecto, adeò exuberanti, ac pleno, dotes plurimas perfectionisque, quas ne adumbravit quidem, aut expressit in aspectabili hoc mundo ullâve illius parte nobis notâ. Quod eo facilius is admiserit qui perpenderit secum quædam divina attributa nobis nota, ad creaturas relata, vix aut ne vix quidem, ab imperfecto intellectu nostro detegi posse, nisi earum tertium consideratione quas Deus reipsâ fecit: ut, si ponamus non majorem in Angelis ante jacta aspectabilis hujus mundi fundamenta, quam in hominibus jam notitiam, vix existimarent ii inesse Deo creandæ materiæ potentiam [de qua perpauca si omnino ulli, Peripateticorum, Epicurorum, ut alios antiquos Philosophos omittam, vel somniasse quidem videntur,] producendique in eadem motus localis; si præsertim attentius perpendamus quam graves conceptum naturæ, ipsiusque *esse* utriusque comitentur difficultates: longèque adhuc minùs, quantum quidem conjecturâ assequi licet, potuissent rescire præmemorati Angeli qui anima rationalis, corpûsque humanum in se mutuo agant. Unde verò sanè non absimile fit, si Deus alios creavit mundos, aut potius vortices præter eum in quo vivimus, & quo ambinur (quis enim scit annon alios reipsâ condiderit) quibusdam creaturarum eos componentiũ varia fortè impressisse, inscripsisseque attributa, quorum nos ne minimam quidem noticiam attigimus, eorum operum ope quæ novimus: sed de his plura inferiùs.

Facile equidem admiserim (ut alterum, quo divinorum cognitio attributorum acquiritur, modum exponam) revelationes, quas Deus sacris in scripturis dignatus est nobis impertiri (quas exploranti omnia spiritui etiam *in videri in eis profunda Dei* acceptas referre debemus,) distinctè dilucidèque docuisse nos de adoranda authoris majestate non pauca, quæ merum naturæ lumen, aut non omnino, aut perobscure nobis indicasset. Sacra quidem scriptura asserit Evangelii præcones declarasse hominibus totum Dei consilium (quantum ad eorum salutem necessarium erat) sed nullam ait totam eos Dei naturam aperuisse, qui lucem *inaccessibilem* habitare dicitur, quam humanæ speculationes penetrare nequeant; quam fortè ob causam Judæi proprium Dei nomen ineffabile

esse;

esse voluerunt ut naturæ ejusdem *incomprehensibilitatem* significarent quorum quidem opinioni licet manus non dem, animadverti tamen oportebit non esse eam traditionem merè talmudicam, cum neque ipse mundi servator, neque ejusdem Apostoli (quos toties de Deo loquentes novum testamentum inducit,) exprefferint inter loquendum, aut cum ipso, aut de ipso, *nomen Tetragrammaton*, aut quatuor literarum: sed ne conjecturis immoremur, scriptura ipsa quæ res divinas adeò illustrat, ut evangelium, lux ipsa dicatur, scriptura inquam nos docet res à nobis ex parte tantum hic cognosci in ænigmate ac quasi in speculo, tantumque abesse ut divinam comprehendere naturam possimus, ut ipsam etiam ejusdem providentiam assequi nequeamus.

His ferè moveor ut credam possidere Deum incognitas nobis perfectiones: quæ quidem opinio confirmabitur non parùm ex objectionis cujusdam præcipui momenti solutione: obijci enim scio poterit, præter duos mox propósitos modos quibus attributorum divinatorum notitiam assequi possumus, tertium quemdam excogitari posse his præponendum: si nimirum *entis* summi, aut infinitè perfecti ideam nobis ipsi exhibeamus, quæ cogitabiles quascunque perfectiones complectatur, ita ut nova nulla superaddi possit: at quamvis non ægrè concedam, hanc maxime genuinam esse quam fingere mihi possim Deitatis ideam; nihil tamen impedit quo minus varia possint esse attributa quæ licet hac generatim ideâ contineantur, nobis tamen peculiariter non sint nota: fateor equidem, quoties quocunque demum modo divina quæpiam perfectio nobis innotescit, concludi à nobis non immeritò posse contineri eam in amplissima illa *entis* summè perfecti notione: fieri tamen potest ut sola *generalis* illius ideæ contemplatione perfectionis illius notitiam nunquam assecuti fuerimus: hanc enim *particularia* tantum pepererunt; quare detestæ de novo perfectiones reducuntur veriùs ad eam, de qua agimus, notionem, quàm ab eadem derivantur.

Ex hætenus dictis, exploratum, ni fallor, habes, varia posse esse in Deo attributa, variâsque perfectiones, ac excellentias nobis ignotas: non abs re nunc fuerit docere, diversorum quæ in Deo novimus attributorum, imperfectam admodum homines habere notitiam, si præsertim ea divinæ eorundem cognitioni comparata fuerit: quod nemini mirum videri debet cum ea peculiari sibi modo possideat, longèque exuperante eum, quo nos ea possidemus, modum, aut adumbrata potiùs quædam eorum vestigia.

Nec per propositam mihi brevitatem, nec per ingenii mei vires id peculiariùs de omnibus divinis perfectionibus aliquousque nobis notis efficere licet: sat itaque, spero, fuerit rem totam ex geminis divinis attributis maxime notis illustrare, potentia scilicet Dei, ac sapientia:

B

QUE

quæ duo attributa idcirco seligo, quòd ea homines intueantur ut præcipua, ac primaria, quæque magis revereantur, & suspiciant; quòd ea nobis ipsi conferre nequeamus ut varias alias virtutes, perfectionesque conferre nobismetipsis posse nos existimamus: nemo enim est qui non credat posse se esse æquè castum, temperatum, iustum, atque ut verbo dicam, æquè bonum ac ipsi placuerit: cum hæc virtutes à proprio uniuscujusque arbitrio pendeant, contra nemo est qui nesciat in sua non esse situm potestate, ut tam doctus, sapiens, potensque sit, quàm esse cuperet: unde non immeritò quisque concludit hanc *potentiam, sapientiamque* & oriri à natura superiore, & eandem potius haud obscuris indicare: sapientiam Dei, potentiamque, proidentibus ipsius circa creaturas tum corporatas, tum corporis expertes, operibus.

Multiplicium potentiz divinæ effectuum per propositam mihi brevitate duos tantum trêsv commemorare licebit, qui licet oculatis fateantur, attentius tamen observari non solent; sunt autem duo hi, *immensa scilicet substantia corporata quantitas* quem *potentia* divina in fabricam universi pararat, & magna vis motus localis eidem impressa, atque in ea *ordinata, seu regulata*.

Ac primum quidem vastissima illaponderosissimæ materiæ massa, ex qua mundus hic corporeus constat, peritum, oclatrumque contemplatorem non potest non rapere in admirationem: ea universi pars, quam dioptrarum ope oculus humanus detegit, infinitæ propemodum capacitatis extensionisque est, quod sanè non admodum ægrè is admiserit, qui aliquam iis, quæ optimi Astronomi, tum antiqui, tum recentiores tradunt, fidem adhibet. Fixæ primæ magnitudinis stellæ, quæ vulgaribus oculis lucentium instar bracteolarum apparent, juxta peritorum supputationem centies & amplius integrum terræ Globum, mole superant: quantumvis autem exiguæ, scintillantes illæ stellæ nudo oculo videantur, apparebunt, quod verosimiliter mirabere, longè adhuc minores per telescopia conspèctæ, quæ discussio falso illo die, quo inermi oculo, prout pingi solent, objiciuntur, easdem nobis totidem quasi maculas, aut plineta luminis physica, spectandas exhibent. Quinetiam Sol, quem aliquot milliarium millionibus, nobis propinquiorem esse aliis stellis fixis omnes admittunt, licet in minore hac distantia conspectus vix semipedalis videatur, à communi tamen Mathematicorum turba creditur centies plusquam & sexagies terræ major: quid quod juxta recentiorum quorundam accuratiorum supputationem octies, deciesve millies Globo terraqueo habetur major: quem & ulterior fortè observatio vastiorem adhuc ostendet.

Constâtque omninò ex parallaxibus, aliisque probationibus, Globum hunc terraqueum quem incolimus, ac sæpe mundum dicimus, licet in tot ingentia

ingentia divilum imperia, regnâque, & maria, complexumque conformiter opinioni magis receptæ circuitu suo milliarium Germanicorum 5400. hoc est cubicotû solidorum 10,882,080, 000. cujus etiam peripheria juxta recentiorum observationes major sit, crescâtque ad millaria, 26000. constat inquam hunc Globum non modo non esse notabilem universi partem, ut Physici instar puncti sit, si ei comparetur: quin etiam majorum illorum orbium solis, fixarumque stellarum, omniumque præterea solidarum in mundo massarum simul congestarum in unam, minor fortè ad fluidas universi partes proportio foret, quàm nucis ad oceanum: quod revocat mihi in mentem præstantissimi cujuscumque ex recentioribus astro-nomi sententiam. Afferit itaque is omnes firmamenti stellas, si uni in corpus coalescerent, ac in eodem in quo nunc terra loco, collocarentur, si Globus hic convenientem ad distantiam disponderetur, futurum ut non majores stellâ primæ magnitudinis viderentur. Quamvis autem hæc ita se habeant, monendus es locutum hætenus me esse de conspectâ tantum à nobis *universi corporei* parte: addam itaque insuper, quantumvis vasta hæc videatur, quicquid oculis opticis etiam tubis præstantissimis adjunctus detexit, nequaquam id mundum nobis adeò latè patentem amplumque exhibere, quàm perfectiora deinceps telescopia haud dubiè exhibebunt: atque etiam tum visibilis hæc mundi pars ab ipsa totius *universi* mole plurimum distabit: cui Cartesiani, ac nonnulli alii recentes Philosophi nullos præscribi limites volunt: Mundum enim corporeum, ut ipsi quidem loquuntur, indefinitum, ultrâque omnes terminos ab hominibus assignabiles productum tenent.

Ab immensa universi extensione gradum nunc facio ad contemplandam stupendam omnino *motus localis* quantitatem quam divina potentia ejusdem partibus impressam tuctur ac conservat: qua de re judicare aliquatenus poterimus tum ex majorum corporum velocitate, tum ex motu licet nonnihil discrepantè plerorumque aliorumque universi corporum.

Quod autem ad prius spectat: Minima commemoranda à me velocitas ea futura est quam Coperuicana hypothesis admittit: cum juxta hanc ab occalu in ortum suo super axe terra moveatur: alii enim ejusdem motus huc non spectant 1 horarum quatuor supra viginti spatio: hic tamen Globus terraqueus quem magnum adeò putamus ut *mundum* plenumque dicamus, quique, ut superius observatum fuit, juxta recentiorum Mathematicorum calculum milliarium sex septemve supra viginti millia circuitu suo complexus est, hic inquam Globus terraqueus, vel certè pars ejus aliqua, tanta pernecitate gyrat ut doctissimus *Gassendus* fateatur punctum in terræ æquatore situm, *minuti secundi* spatio ad ducentessimam ferè hexapedam, hoc est, ducentessimum supra millesimum pedem moveretur: adeò ut Globus è tormento bellico emissus vix tantà per aerem cele-

itate volitet.

Sed ut aiebam terræ motus omnium tardissimus est, cum fixarum peracritati comparari nequeat, si cum omnibus ferè astronomis viginti quatuor horarum spatio eas circa terram gyrare posuerimus: si enim admiserimus distantiam à celeberrimo *Tycho*ne accuratiore multò antiquis mathematicis observatore, nos inter ac firmamentum quatuor supra decem, millia semidiametrorum terræ complecti; fixa in æquatore, ut *Mullerius* supputat, horâ unâ milliarium 315333 percurrit, adeoque unico horæ minuto ducenta quinquaginta quinque supra quinquaginta duo millia, unicòque secundo, quod simplici arteriæ in sano homine pulsui respondet, milliaria 875. qui motus ter millies ferè velocior est motu Giobi è tormento bellico emissi. Fateor equidem juxta Ptolomaicam hypothesein fixam in æquatore percurrere uno secundo tres tantum terræ diametros; at juxta eruditum, accuratum, doctumque *Ricciolum* hæc fixa velocitas quinqueis major est in Ptolomaica hypothesi: ex mente enim *Riccioli*, ejusmodi fixa, de qua hîc loquimur minuto secundo, aut unico arteriæ pulsu milliarium Germanicorum 157282 percurrit; hoc est Anglica milliaria octo & centum millia supra sexcenta & viginti novem.

Superaddam autem hic loci, quod minus fortè à te observatum est, eam *universi* portionem quæ vulgo quæta habetur, cui tamen motus reipsâ impressus est, tantam esse, ut quantitas *motus localis*. Corporibus illis in speciem quiescentibus distributi æquare fortè possit, aut etiam superare quantitatem motus à primo motore stellis ipsis fixis impressi, licet circa terram eâ stupendâ eas velocitate volvi ponamus, quam Ptolomaici, & Tychoniani ipsis ascribunt: omnino enim ea sum in mente stellas fixas, & planetas, aut si mavis omnes mundanos Globos, sive lucidos, sive opacos, quibus terram ascribo, exiguum admodum cum *insestellari*: *universi* parte habere proportionem. Quamvis autem hos omnes Globos solidos admitterem, licet vix cuiuspiam ex iis soliditas probari possit; Cartesiani enim existimant solem, [quem fixam ipsi stellam putant, ac ejusdem proinde probabiliter naturæ cum reliquis] esse summè fluidum: quamvis inquam hoc darem, animadverti tamen oportebit unumquemque illorum orbium fluido ambientis seipso longè capaciôr innatare, quare fluida *universi* portio solidam longe multumque mole superabit: si autem attentius perpendamus quæ sit fluidi natura, fluidi inquam ut fluidi, comperiemus in eo eam esse positam quòd minutas partes perpetuo in motu habeat, variòque hac & illac; huc & illuc: quare licet ipsum liquoris integrum corpus quiescere videatur, minutæ tamen constituentesque liquoris partes, perpetuo in motu sunt, permutato inter se invicem semper situ, ut finè non ita pridem probatum est in tractatu, *Historia fluiditatis & firmicitatis*, inscripto.

Quia

Quia autem quantitas motus à corpusculis fluida corpora coimponentibus participati vulgo minùs observatur ab ipsis etiam Philosophis, non abs re fuerit hic loci superaddere quàm magnus, vehemensque partium fluidi corporis motus sit [cùm fortè aggregatum ex his particulis quietum apparet] suspicari nos posse ex disturbatis ordinariis earum motibus, aut insolitum in modum concitatis: hoc observare licet in summa vi, mirisquæ effluviis furentium ventorum, turbinumque, qui tamen quasi rivuli tantùm quidam sunt, vorticisquæ in conspectu aeris, cujus singulæ insensibiles partes à causis accidentariis determinantur ad motum, aut per lineam rectam, aut ferè rectam, aut quasi commune circa centrum: sed exemplum longè magis conspicuum suppeditabit nobis cuniculus pulvere nitrato instructus, in quo flamma, aut subtilis quædam substantiæ æthereæ, quæ, in aere nunquam deest, licet utrumque corpus fluidum sit, pulvisque fortè unica ignis scintilla accensus, rapido adeò, vehementique cietur motu, ut ejus vi ingentia ædificia, spissisquæ muri momento temporis in aeris succutiantur, solùmque ipsum firmissimum, aut ipse etiam quibus, imposita fuerant fortè rupes funditus subvertantur.

At cùm de velocitate illarum flammarum, quasi è tormento bellico explosarum, pronuntiare possimus ex pernicitate Globo ferreo ab eodem pulvere nitrato impressâ, quem accuratus *Mersennus*, qui variis rem experimenteris exploravit, spatio unius *secundi* percurere ait hexapedas ferè 75. hoc est pedes 450. per sexagesimam scilicet *minuti* partem: si non absumiliter vero cum Cartesiano sentiamus terram, variisquæ alios mundanos Globos, puta, planetas suis super axibus motu æthereorum vorticum quibus innatant circumvolvi, facile admiserimus motum Cælestis materiæ prope remota terrestribus vorticis confinia motâ, longè esse rapidiorem motu terræ ipsius superficie.

Superiùs tamen observatum à nobis est locum sub æquatore situm, si terra suum circa axem gyram, celeriter æquè moveri, atque Globus è tormento bellico explosus moveri solet: Si jam Tychonianam seligamus hypothesein, quæ *firmamentum* lucidòsque illos, quibus ornatur, Globos commune circa centrum viginti quatuor horarum spatio rotat, Cælestis materiæ motus longè major futurus est, atque ejusmodi quem vix quispiam concipiat.

Hæc eo consilia commemoravimus ut majores, ac nobiliores, de Creatoris tum potestate, tum sapientia, ideas effingamus: qui tam mirabilem motus quantitatem universali materiæ impressit, impressamque semel tueri semper ac conservat; qui non modò furenti oceano terminos præscribit, cui cœu Dominus imperat dum ait, huc usque venies nec ulterius progredieris, hic confringes tumentes fluctus tuos; sed quod majoris multò potentia indicium est, motus illos Globorum mundanorum, ac intercurrentium fluidorum stupendum adeò in modum rapidos, ita moderatur,

ac regit, ut nec molis vastitate, nec motus rapiditate, vel latum unguem à præscripta sibi orbita per tot secula declinaverint: quo toto tempore, nullum rotatile horologium vel per pauculas horas æque accuratè, ac ordinatè periodos suas descripsit Sol, puta, sub eadem circulari linea, quam *eclipticam* vocant, constanter curriculum suum peregit; nec deflexit unquam. Si autem firmamentum ipsum cujus motus juxta hypothese[m] vulgarem longè omnium rapidissimus est, non omnino accuratè adeò viginti quatuor horarum spatio periodum suum complet, hæc ipsa ipsius mora regularis adeò, ordinariæque est, ut ab *Hipparco* qui ab annis jam bis mille floruit prima *Arietis* stella, quæ tum temporis prope ejusdem initium erat, nondum postremum hujus signi gradum attigerit.

His itaque de potentia Dei expositis, superest ut de sapientia ejusdem paucis agamus: hæc enim sublimiori prædicti intellectu summè venerari solent, quoties eam in hominibus animadvertunt, in quibus tamen adumbrata tantum, imperfectaque admodum reperitur.

Dei sapientia, quæ alicubi à Divo *Paulo*, multifaria, *πολυποικίλος*,* merito appellatur duobus diversis exprimitur modis, interdum enim obviis in objectis adeò manifesta est, ut spectatores etiam negligentes, minusque attentis, eam observare possint: alia autem multa sunt in quibus thesauri sapientia, & scientia Dei contegi possint, atque reipsa absconditi adeò sunt, ut non nisi à sagaci attentoque speculatore detegi queant. Licet autem hanc mihi disunctionem adhibere liceat, ei tamen non nimium immorabor: variis enim aliis, in rebus utroque isto modo, divinam exprimi sapientiam liquidò constat.

Gemina autem hujus sapientia objecta contemplaturi impræsentiarum sumus, materiales scilicet, ac conspectas, atque inconspectas, ac immateriales Dei creaturas.

Ac quoad priores quidem, quarum collectio mundum corporeum, universum vulgò dictum, constituit, paucis disseram de summo, quo particularia corpora constructa sunt artificio, de magna eorum varietate, numeroque; de earundem symmetria, ut mundi partes sunt; de connexione, mutuæque à se invicem dependentia. Licet autem duobus primis capitibus, non minùs quàm duobus postremis comprehendere possim corpora plurima tum inanimata, tum vegetativis, ac sensitivis animabus, ut Naturalistæ loquuntur, prædita, brevitat[is] tamen studio, de iis tantum creaturis quas animalia dicimus, dissertationem instituiam.

1. Cujusvis animalis, ac humani præsertim corporis structura curiosa adeò est, ac exquisita ut nemo nisi oculatus dissectionis ex arte factæ, atque anatomicè consideratæ testis præstantissimum mirabilis hujusce machinæ artificium concipere, vel fingere sibi animo possit.

Hæc autem de re cum alibi fusiùs disseruerim, verbo hic tantum dicam, neque

neque hyperbolem, quod dicturus sum sapiet ullam, ut Divus Paulus, alium in scopum dixit, [*Italta Dei sapientiora esse hominibus, & infirma Dei illis, ni fortiora,] ita minimis, constructas à Deo artifice creaturas operis ipsius artificio, sapientiæque, humana quævis artefacta longè multumque superare : quin etiam horologium rotatile nullum quantumvis atfabrè factum usquam reperias, *cujus structura quoad exquisitissimum mechanismi artificium, vel a seili, ranæve corpori comparati queat.

2, Sed divinam sapientiam non ipsa solùm animalium fabrica commendat, sed varietas quoque summa, numerusque humanorum enim Architectorum peritia angustis cucumseribitur limitibus, atque ad unum: fortè tantum artefactorum genus, aut certè perpaucæ extendit sese: idem enim Architectus domum ex arte ædificat, qui construendæ navis artificium igitur: atque ut quotidiana docet experientia majoris horologii rotatilis conficiendi peritissimus quis esse poterit, qui minoris fabricandi artem nesciat, multoque adhuc minus nouerit quæ sclopium aviarium, aut molendinum aquaticum construui oporteat.

Jam autem summus naturæ author non quatuor tantum præcipua viventium Machinarum genera creavit, bestias scilicet, aves, pisces, & reptilia insigniter à se invicem discrepantia, prout varietas locorum ac regionum in quibus partes suas actura erant, exigebat, sed sub quovis horum genere reperiuntur quàm plurimæ subordinatæ animalium species, quæ pro particularium naturarum exigentia ab aliis ejusdem generis notabiliter differunt.

Non solùm enim structura bruti, ut leonis, multum discrepat à structura avis, aut piscis, sed particularium etiam animalium ejusdem speciei structura aut mechanismus est admodum dissimilis: cujus rei luculentum sit argumentum vastum illud animalia inter ruminantia, ac non ruminantia discrimen, atque inter porcum, & leporem, maximè quoad eorum viscera, psittacum inter ac vesperilionem, cetum & pisces stellarem, cammarum, & ostream, ut alia jam exempla tacitus præteream. Jam si variis Philosophis tum recentibus, cum tanto ea numero sint, ut sex ultra eorum millia jamdudum numerata fuerint, multiplicia divini mechanismi, sapientiæque opera, magnâ hæc animatarum machinarum varietate eo conspicua magis futura sunt.

3. Nihil autem præstantissimum illorum automatum artificium magis commendat, quàm ipsa variarum, ex quibus constant partium Symmetria: animal enim licet in integritatis suæ statu spectatum, tanquam machina unica merito reputetur, *integralis* tamen hæc, ut ita loquar, *machina* ex variis conflata est partibus, quarum quælibet seorsim, subordinata machina huic, vel illi usui destinata dici merito possit: oculus enim quo homo conspi-

conspiciendorum capax objectorum redditur, mirandum prorsus instrumentum opticum est, manus quoque varios adeò tam aptè fabricata in usus est, ut *Aristoteli*, instrumentum instrumentorum sit: quare *Isaïser hababaleoc Jerem.* 10. 26. rerum omnium formator saninam suam ob sapientiam omninò laudandus est, ob sapientiam inquam, quæ inde vel maxime efflucescit quòd quodlibet hominis membrum, aut alterius cuiuscunque animalis ita fixerit, ut nihil prohibente inpenso unum in membrum artificio, & illud, aliæque omnia nos minora, nec maiora, atque ut verbo dicam, non aliter fecerit quàm ipsa totius animalis perfectiòque integritasque requirebant: quo manifestum omninò sit magnum hunc artificem totam uno intuitu fabricam contemplatum esse, intellexisseque simul ac semel, quid potissimum ad perficiendum animal atque unumquodque illius membrum requireretur, cui simul utrique necessaria sapientissimè procurârit.

Cùm plurimè præstantissimi artifices, qui unam aliquam machinam perficere possint, nequeant eandem aptam efficere, idoneamve multarum machinarum aggregatarum partem: neque etiam quivis Antliæ fabricator, commodam nautarum usui Antliam efficere poterit, neque quivis Chymicus qui in officina pictoris construendi artem furni novit, fumum qui navibus usui sit, ritè construat: quineriam, pendula, ut nemo nescit, horologia, ponderibus mota, & quorum regulata adeò in continente periodus est, idem obire munus, hoc est, accuratius tempus metiri navibus imposita nequeunt.

4. Quarto insuper modo suam patefacit Deus corporeis in creaturis sapientiam, mutuâ scilicet utilique alterius ab altera dependentia, ac coordinatione: utilis autem hæc dependentia spectari potest, vel quatenus partes animalis referuntur ad se invicem, integrumque quod constituunt, corpus, vel quatenus distincta, discrepantiaque corpora ad se invicem referuntur, vel à se mutuo dependent: ad primum itaque utilitatis genus partium exempli gratiâ humani corporis usus spectat; quæ ita confictæ sunt, ut præter publica ea officia, functionesque quas earum quædam in totius commodum obcunt, stomachus, puta, concoquit alimenta, cerebrum spiritus animales restaurat, artus movet, aliâque partes, renes superfluum à sanguine serum secernunt, alia etiam sint plurimæ sibi mutuo subservientes quæ non contemnendam librorum Anatomicorum paginam implent: varios autem partium consensus, mutuâque utilitates ulterius ii morbi detegunt, qui dum primariò quidem unam corporis partem afficiunt, sat apertè ostendunt alterius etiam ab eadem parte dependentiam licet minùs hæcenus observatam: secundum utilitatis genus ad eas spectat partes quæ sexuum discrimina constituent, quæ in mari & fœmina adeò ad se invicem referuntur, ut facile sit pronumque conjicere in utriusque eas conjunctionem, speciei que propagationem à natura esse ordnatas. Temporis fortè dispendium foret hic discernere de conveniente solis distantia,

Diffantia, fitu, de obliquo ejusdem sub Ecliptica motu, de compensatione unius rei per aliam a natura facta, cujus qualitarum excessus noxius alioquin hominibus foret: nimii enim calores siccitâsque, in variis zonâ torridâ, adjacentibusque plagis, regiones eas tum steriles, tum inhabitabiles, ut veteres censabant, redderent, nisi obstarent Etesie, quæ regulariter licet non eodem semper modo per maximam calidioris tempestatis partem spirant: accedunt insuper præter longitudinem noctium, copiosa, constantisque pluviz statim temporibus deciduæ, fluviorum limites suos transcendunt incrementa, atque inundationes vasta etiam per spacia, veniuntque insuper variis in locis spirantes noctu quidem, à continente versus mare, interdiu verò, contra: hæc enim atque alia quædam ita humefaciunt, refrigerantque terram, atque aerem contemperant, ut iis ipsis in locis quæ antiqui verè torrida, atque inhabitabilia existimabant, amplissima etiam regna sint provinciæque & populorum frequentia, & camporum amœnitate perquam insignes: sed, ut superius aiebam, dispensum fortè temporis foret, nec prosequi liceat nunc ea omnia quibus ostendi posset quam utilia sint homini divinorum operum longè nobilissimo, alia quamplurima sensibilia Dei opera: sat itaque habuero indicare tantùm paucis adhuc, quam multa Deus alia ad hominis, aliorumque animalium felicitatem ordinavit: ita juxta consuetum naturæ cursum, agni, hædi, aliæque animalia quam plurima nascuntur incunæ vere cum herbæ teneræ sunt, plantæque aliæ facilius in pabulum cedunt: idem observare licet in generatione bombycum, quorum ova juxta naturæ institutionem, excluduntur, cum Mori germinare incipiunt, eaque excludunt folia, quibus prætiosa hæc insecta pasci oportebit: alimenta itaque ipsa tenera sunt, cum teneri, & vermes ipsi, substantiæque plus, & virtutis acquirunt, prout ipsa viribus & mole insecta crescunt.

Aliud insuper est, quod licet aptiorem inter priora locum obtinuisset, hic prætermittendum minimè puto: præter dicta enim de excellentia corporis humani, aliorumque animalium, meritò perpenderimus attentius, quantò mirabilius sit structurâ perfecti corporis, semen ipsum animatum.

Omnes siquidem futuræ partes, solidæ non minùs, quam molles, functiones, actionesque pro re natâ variabiles animalis producendi, durabiliter etiam delineari, ac quasi describi in exigua materiæ in speciem homogeneæ, & reipsâ certò fluidæ portione debent; quod autem hoc naturæ miraculum illustrius efficiat, unaquæpiam latentium harum facultatum, plastica scilicet, aut prolifica virtus, & ultra ad trigessimum, aut quadragessimum fortè annum consopitur, evigilaturò tum ad productionem multarum ipsi animali perquam similium. [Inter corporea hæc eni Dei opera de iis tantùm sapientiz ipsius, potentiaque effectibus disserui, quos in vi-

C

sibile

sibili mundo observare est:) Insuper autem perpendere liceat, non Peripateticos modò, sed alios etiam ferè omnes Philosophos, mundum finitum credere: licèt autem Cartesiani id affirmare nolint, sed indubitum potiùs, esse velint, hæc tamen opinio, ut alibi effectum est, quandam in exprimenda sententia modestiam potiùs, quam veritatem sapite. mundus enim reipsa vel certis circumscribitur limitibus atque ita finitus erit, vel nullis usquam, adeoque & infinitus futurus est: si autem suos mundus limites habet, qui Deum profitentur, cuius solius est infinita potentia, fateri oportebit eum potuisse, ac posse adhuc alios à nostro condere mundos: ipsi porrò Epicurei qui omnipotenti mundi factori, casum, atomosque substituerunt, hanc præcipuè ob causam, quòd cum causæ condendo mundo pares, atomi scilicet spaciaque non deessent, casus inultos reipsa mundos, quorum unus noster est, fecerit: ipsos autem Cartesianos, si corporeæ substantiæ, ut docent, indefinitæ sint, admittere necesse erit mundum nostrum visibilem, aut si lubet, *porticem*, quæ voce id omnè spatium quod visu simul ac semel attingimus, comprehendit; nihil aliud esse quàm partem, ac minimam etiam totius universi: quod remotissimas, quæ aspectui pateant, ultra stellas maximo intervallo longius extendi poterit, quàm ultimi visibilis mundi limites à terra nostra dissent.

Si jam cum recentioribus quibusdam Philosophis admiserimus, alios Deum præter nostrum condidisse mundos, verosimillimum erit eum multiplicem suam illis sapientiam patefecisse operibus multùm diversis ab iis in quibus hinc eam suspicimus: atque quamvis unicum tantùm ponamus universum: ut enim ingens illa quæ oculis nostris patet ejus portio, nihil aliud est quàm pars *aggregati* illius ex omnibus corporibus latissimè extensi: ita si posuerimus cælestium Globorum quempiam sive conspectum à nobis, sive ultra aspectum, peculiaria esse systemata, non futura est ea diversa multùm speculatio. Cum stellarum fixarum plurimæ longissimo intervallo remotiores à nobis sint, quàm planetæ, non omnino abs re fuerit, si dixerimus, ut circa solem, è fixarum numero nobis proximum integrum Planetarum systema moveretur, ita quamlibet aliarum fixarum posse alterius cælestium Globorum systematis esse centrum: cum præsertim constet quosdam etiam circa planetas: etiam juxta Astronomos stellis fixis de quibus quoad molem multò inferiores, alios moveri Globos qui ab ipsis quodammodò pendeant: atque ut nihil dicam de terra, quam comitatur luna, nec de Saturno, qui suos etiam habet comites, omnino constat quatuor circa Jovem gyrate satellites: neque prætermittendum videretur, nullum ex secundariis illis minoribusque, ut ita loquar, planetis, circa Saturnum, ac Jovem motis oculo esse conspicuum: quapropter antiquis Astronomis, qui ante inventa telescopia floruerint, ignoti omnes fuere: jam si alia sint systemata, ut

ita loquar, mundana, præter nostrum, non absque summa veri specie quis existimaret Deum peculiaria præbuisse inexhaustæ suæ sapientiæ exempla in condendis, regendisque iis systematis, quæ fortè & creata sint, & gubernentur modo diverso prorsus ab eo quem in cognita nobis universi parte observamus: præterquam quod *magnes* est minerale quoddam quoad varias vires, affectionesque non ab omnibus tantum aliis lapidibus, sed ab omnibus aliis corporibus non *magneticis* adeò diversum, ut vix ex hoc mundo nostro oriundus videatur, sed in eum ab alio quasi prolapsus; qui primum memini Americam detexerunt primo suo in illas oras adventu animadvertenter, licet animalia plurima, plantæque offenderint, paucissimas tamen posteriorum, ac vix ulla omnino priorum, ejusdem cum animalibus, Europæis speciei.

Jam in aliis hisce mundis, Præterquam quod cogitare possimus primordiale in fabricam, eamve secundum quam omniscius Architectus partes materiæ ipsorum primum contextuit, à nostri systematis structurâ, admodum fuisse diversam: præterea inquam latissimum mericò quis concipiat discrimen subsequentia inter phænomena, effectusque in quopiam illorum systematum productos, eosque quos in systemate nostro vulgò intuemur, licet admitteremus duas tantum tresve motus localis leges in mundis iis ignotis, à legibus in nostro vigentibus diversas. Si enim exempli gratia supponamus integrum quodque corpus, sive simplex, sive compositum, magnum, aut parvum, motivam semper facultatem retinere, ut Philosophi plerumque de anima censent, cum humanum corpus movit, utque Epicurei, alique multi de atomis, ubi semel sese mutuo impulerint, sentiunt, vis hæc ciendi alio in corpore motus, conservato interim *momentis* motus tanti videbitur momenti iis, qui animadvertunt causarum secundarum, quæ naturæ phænomena producant, primam ac principem esse motum localem, ut statim admissuri sint, ea phænomena mirum in modum diversa esse oportere, utpote à causis primariis insigniter adeò discrepantibus orta.

Neque abs re fuerit, ut alium variandi motus modum addamus, si conceperimus Deum creasse quasdam materiæ partes ex se quiescentes, ut Cartesiani, alique plurimi Philosophi materiam naturâ quietam volunt, atque ad quietem determinatam, donec externi agentis vi compellatur ad motum, alias tamen materiæ partes facultate quadam donasse non ab simili ei quam principis suis ascribunt Anatomistæ, quæ perpetuò moveri ipsi volunt proprium ipsorum motum nihil prohibente eo quem quiescentibus excitant in corporibus: Legesque huic in modum propagandi motum per corpora aliz fortè fuerint ab iis quæ in mundo nostro sunt constitutæ, ita ut media tantum pars, aut minor etiam, puta tertia motus hic ab uno corpore talis molis, & velocitatis alii, quod quietem offendit, aut lentius motum communicati, transferenda sit illis à movente, ad

corpus quod impellit licet reliquæ omnes circumstantiæ præter leges motûs eadem supponantur : neque absurdum quid adeo est quàm prima statim fronte videtur , ejuscemodi suspiciones fovere : in vulgari enim Philosophia præterquam quòd motus localis Theoria imperfecte admodum proposita sit non modò nullæ ipsius leges benè, sed ne constitutæ quidem adhuc ullæ omninò sunt.

Quod autem ad Cartesianas motûs leges attinet, licet nôrim à multis eas doctis esse receptas, eos tamen suspicor summâ potius præstantissimè illius Mathematici autoritate motos, quàm ullâ, quæ convincat, ipsarum regularum evidentiam : cum mihi quidem earum quædam ob rationes ad alium locum spectantes nec manifestæ experientiz, nec solidarum rationum testimonio confirmari videantur : quod jam ad regulam motus Cartesianam maximè utilem spectat, quæ scilicet asserit *eandem semper in mundo motûs quantitatem esse cum corpus movens quodcumque, tantum omninò motûs sui deperdat, quantum in alio producit* : ejusdem allata à *Cartesio* probatio ab immutabilitate Dei cum ducta sit, metaphysica mihi nimium videtur, neque multum valida, vereor enim ne latitudo, proprietatèsque divinæ immutabilitatis non sint nobis adeò notæ ut hoc in casu ab his argumentum, & à priori quidem ducere *Cartesio* liceat : qui autem regula hæc à posteriori demonstrari queat, non video : præterquam enim quòd in dubium revocari potest utrum conveniat necne experientiz variis in exemplis quæ afferri possent communicatarum in hoc orbe sublunari motionum, nescio quo noscamus experimento regulas eas quibus motus in cœlestibus mundi regionibus propagatur, inter omnia ea corpora, quæ ætheream, facile sanè maximam *universi* partem constituunt : cum itaque Cartesianarum regularum veritas, neque à priori, neque à posteriori demonstretur, non video cur rationi dissentaneum fuerit peculiare quædam alias leges motûs aliis in *systematis* & esse posse, & concepi, idcirco tantum quòd à Cartesianis discrepent, quarum pleræque, ut verissimè dicam, necdum sunt demonstratæ.

At licet, si hypotheses, & conjecturas admittamus quales ex sunt quas superius commemoravimus, nequaquam sanè absurdas, non parum conducere poterunt ad augendas nostras de rebus divinis ideas ; nihil tamen causæ est cur ad spatia imaginaria ultra mundana confugiamus, ut certi simus effectus potentiz, sapientizque Dei, suis dignos esse causas, neque adæquatè à nobis intellectos, si attentius observemus innumeraibilem illam ac ineffabilem corporum varietatem, ex quibus vastissima hujus universi moles constat. Cum enim maximus omninò eorum numerus sit, quæ tot distinctarum instar machinarum haberi possint, harumque plurimæ admodum complicatæ utpote subordinatas non paucas complexæ : dum advertimus hæc omnia, reliquæque mundanæ materiam, quovis momento, sustineri, regi, gubernari conformiter naturæ suæ, legi-

bûsqûe.

bûsque catholicis universi, dum advertimus inquam *ens* existere quod & ubique & semper hoc præstet omniâque tum absque errore, tum absque intermissione gubernet: dum inquam hæc omnia attentius perpendimus & summe venerari, & submissimè adorare supremum hoc numen cujus hæc omnia nutu sunt, omninò par est.

Non proflus immeritò olim Epicurei audaçter divinæ providentiæ fidem ex eo capite convellebant, quod concipi nequeat, atque adeò incredibile videatur, tot discrepantibus distrahentibûsque Deos occupationibus posse esse pares, ut scilicet exigente rerum natura solem uno in loco lucere juberent, in alio decidere cælo pluviam, in alio spirare ventos, in alio micare fulgura, in alio ruerè fulmina, aliâque denique corpora tum agere, tum pati suis conformiter naturis: nos itaque qui certis argumentis convicti credimus Deum reipsâ facere quæ isti Philosophi fieri à quocumque demum agente non posse existimabant, nostro planè defumus officio nisi pervadentem omnia sapientiam suspiciamus venerabundi, quæ ad extremos universi fines extendat sese, reipsâque efficiat quod ne concipere se quidem Philosophi arbiurabantur: hæc itaque omnia id omninò à nobis exigunt ut his difficultatibus quas ipsi quidem ineluctabiles, justamque proinde infidelitatis suæ excusationem arbitrabantur, alliciamur nos moveamurque vehementius, ad supereminentis illius *sapientiæ* venerationem, quæ nullo eas negotio superat. Quædam divinæ sapientiæ potentiaque vidimus vestigia in iis quæ corporeas circa Dei creaturas observavimus..

At facilè quis admiserit divinas quasdam perfectiones non tam accurate exprimi, aut desumi potuisse ex corporeis creaturis quàm ex rationali, ac immateriali anima hominis, aliisque *entibus* intellectu præditis: ut imago pomi, aut cerasi, aut character numeri non tantum artis admittit, quantum pictor exhiberet in imagine, passiones animæ legesque opticas, proportionisque plenius exprimente: nec à ratione alienum fuerit, existimare si æquè prope incorporeas Dei creaturas, ac corporeas, inspicere-mus, observaturos nos, quemadmodum spiritus corporibus longe nobiliores sunt, ita sapientiam Divinam eorum regimini intentam, esse luculentiorè, splendidiorèque eâ quàm in fabrica, regiminèque corporeorum ejusdem operum meritò prorsus miramur: portio enim materiæ quantumvis subtilis, assabrèque contextæ, nihil futura aliud est quàm machina intellectu, ac voluntate destituta, intellectu inquam ac voluntate propriè dictis: ejus porrò excellentia, distinctiòque, aliis à corporibus etiam crassioribus, minùsque perfectis è mechanicis tantùm affectionibus, putâ mole, figura, motu, connexionèque partium reperendæ erunt: quæ neque seipsas movere, neque regere, susterèque proprium motum queunt, cum veni spiritus, quo hic nomine immateriales subtilitates intelligo, præditi sint largitore Deo, intellectu, voluntatèque suam ad

naturam spectantibus, internisque principiis quibus hoc vel illo agant modo, vel abagendo desistant pro arbitrio: licet autem habeat Deus, ut solus omnium creator substantiarum, ac siquidem ipsi visum fuerit, absolutum in omnes creaturas, tum materiales, tum spirituales, exercere Dominium possit, cum tamen voluerit spiritus conformiter inditæ ipsius naturæ, (quæ voluntatem simul ac intellectum comprehendit,) regere, ac creare ejusmodi potentia, libera, intelligentiæque entia bonos puta & malos Angelos, ut nihil jam de hominibus dicam, quos ita gubernet, ut quocumque se gerant modo, gloriæ suæ instrumenta sint, cui eorum plurimi non minus subtiliter quam pertinaciter sese opponunt: hæc inquam omnia sapientiam requirunt, providentiæque, longe superiorem eâ quæ in *entium* merè corporeorum formatione, regiminæque elucescat inanimatæ enim machinæ ita fabricari queunt, ut nostro tantum pro arbitrio agant, cum Angeli, animæque rationales agendi pro arbitrio plerisque in casibus libertate gaudeant: unde facilius multo peritus horologii rotarilis artifex horologii periodos quàm filii sui affectiones actionesque reget.

Animadvertendum autem hic loci Angelos sive bonos, sive malos, esse entia admodum intelligentia, atque actiuosa, eorumque quolibet præditum esse intellectum innumerarum pene notionum, graduum, ac variationum cognitionis capaci, ac voluntate pariter non paucioribus actibus producendis pari: quæ cum intellectum variè afficiat, variè quoque contra ab eodem afficitur: quod ut præsentis scopo applicemus, cum quilibet Angelus successivè capax tot discrepantium *moralium statuum* sit, haberi potest ut distincta quodammodo sub genere intellectuâli species.

Vel unius autem *Demonis* regimen, tam arduum fortè opus futurum est, nec minùs sapientiam, potentiamque Dei illustrabit quàm regimen totius speciei inanimatarum, corporum, puta lapidum, aut metallorum quæ naturâ suâ ad strictam cum primordialibus motùs legibus à creatore semel constitutis conformitatem determinantur: à quibus ut declinent, nulla propria sua, quæ carent, voluntate moveri possunt.

Sacra nos Scriptura docet in œconomia *salutis* nostræ tantum multiplici divinæ sapientiæ elucere ut ipsi etiam Angeli hæc scrutari mysteria desiderent: quando *Servator* noster, cum dixisset discipulis suis neque diem neque horam futuri sui adventûs ad iudicium (utrum Judaicæ nationis, an totius mundi, non hic inquiri) cuiquam adhuc innotuisse, subiungit ne Angelis quidem ipsis in cælo, sed patri tantum suo, iudiciis haud obscuris insinuat eos summâ præditos esse notitiâ, longèque humanâ scientiâ superiore, quam forte etiam ob causam eos *Angelos lucis* alibi scriptura appellat, docemur quoque sacris in codicibus bonos Angelos esse numero prope infinitos, at ut diversorum ordinum sunt, cum quidam

sunt

sunt Archangeli, quidam particularium imperiorum, ac nationum Principes, ita etiam diversa admodum ipsis assignata tum in terra, tum in caelo, officia, atque ejusmodi interdum, quibus teneantur ut inpositam sibi provinciam tueantur, oppositas proutere partes: ex iisdem sacris codicibus, dum disserit de Diabolo ejusque Angelis, de dracone magno qui tertiam stellarum partem è Cælo caudâ suâ traxit interram, de integra Dæmonum unicum hominem possidentium legione, variisque aliis, quibus hic non immorabor; ex sacris inquam scripturis concludere merito possumus esse politicum quoddam in regno tenebrarum regimen, ejusque monarcham esse præpotentem, unde princeps hujus mundi dicitur ac quidam è subiectis ipsi ducibus, *principatum, potestatis, rectores* tenebrarum hujus mundi, &c. Hinc etiam patet ipsius subditos esse multitudine innumerabiles, esse summos Dei, hominumque inimicos, unde *Diabolus* adversarius nominatur, tentator, homicida ab initio, eos pariter fallaces esse, ac subdolos, unde *Diabolus* pater mendaciorum audit, antiquus serpens, ejusque strategemata dicuntur, astutiz, fraudes, *profunda satana*: constat quoque ipsorum malitiam, ut magna est, ita maximè actuosam esse, unde *circuit Dæmon* tanquam leo rugiens quarens quem devoret: cum hæc ipsa nos doceant scripturæ, licet conclusiones meum in scopum inde natas subjungere jam non liceat, non immeritò existimare possumus, si divinæ sapientiæ in mundis Diabolicis, ac Angelicis, aut *magnus* ut loquimur *communis* introspiceremus, in admirationem nos rapiendos, dum intelligeremus quâ intelligentia ejusmodi libera, præpotentia, atque immortalia *agentia* nulla illatâ naturæ suæ vi, jam variè conspirent ad leges implendas, præscriptæque à magna illa *theocrasia* munera, quæ non tantum ad omnia corporum genera extendit sese, ad homines, ad hunc illumve spirituum ordinem, sed totam, quanta est, completitur creationem, aut ipsum creaturam Dei *aggregatum*. Nec minùs reipsâ in laudem divinæ sapientiæ cedit, quòd voluntarias etiam, astutiasque fortè vel maximè malorum hominum spirituumque ipsorum nequam actiones ad præscriptos sibi sapientissimos, æquissimisque fines dirigat, quàm in honorem fabri navalis, aut Navarchi cederet, qui navem eo génio construeret, eaque arte dirigeret, ut non tantum collateralis vento, ut vulgò fit, sed vento etiam contrario, furentique propositum ad portum navigaret.

Non omninò abs re fortè fuerit præoccupare hoc loco quod certissimè futurum est, atque hic paucis disserere de diffusa illa, illustrique divinæ tum sapientiæ, tum justitiæ, misericordiæque manifestatione quam tremenda illa extremi ac generalis judicii dies effectura est: cum probi cujusque Christiani oculis patentius latiùsque proponetur objectum quam Christo ipsi proponebatur, dum simul ac semel, unòve quasi intuitu omnia mundi

mundi regna contempleretur, cum numerosiorem, ne dicam numero quovis majorem intuebimur coetum, quam is erit qui conflatu dicitur, ex omnibus populis, nationibus & linguis ad dedicandam auream *Nabuchodonosori* imaginem confluentibus.

Die illo decretorio, die illo magno cum tota *Adami* propago terribili tubæ clangore ab Archangelo convocabitur, à remotissimis sæculis, maximèque diffitis mundi climatis: cum inquam præter collapsos Angelos humani omnes qui unquam vixere actores, simul in theatrum prodibunt, cum mortui resurgent, librique aperientur, hoc est Cæli, conscientiarumque testimonia, tum *sapientia* Dei meridianâ clariùs luce fulgebit: constabit tum Divinam providentiam non ea tantum quæ privatos homines, privatas familias, minoresque hominum societates spectant, accuratissimè curasse, sed fata etiam regnorum, ac rerum publicarum, revolutiones nationum, ac imperiorum, sciemus *ineffabilis sapientia* præscripto contigisse. Magni porro *politici* qui divinæ quasi imposituros providentiæ, subtilitate se suâ existimârunt, iidem, quos paraverant, laqueis irretitos sentient, consiliaque sua omnia stultitiæ nomine damnata: neque in eorum situm erit potestate, prohibere ac omnes homines sciant, dum suos ipsi perquam astutè fines prosequerentur, divinis re ipsa vel nescios consiliis inservisse.

Subtiles autem ii Hypocritæ, qui religionis pallio ambitionem, *seculari*que desideria, ac consilia contegebant, eo religionem modo quem ipsi sibi nunquam proposuerant, his everfis promoveri comparent.

Non immeritò magnæ opus peritiæ reputatur, complicatam admodum machinam, regere puta percelebre *Argentinenſe* horologium, aut navem bellicam, licet nulla hujus aut istius pars, quod nulla adfit anima, ob finem agat: eoque difficilius hoc negotium est, magisque in laudem conductoris cedit, quo intricatior structura, numerusque partium, ex quibus machina constat fuerit. Quàm mirabilis itaque in oculis nostris futura est ea sapientia, providentiæve, quæ tot mille machinarum miliones, machinarum inquam voluntate prædicatarum ita regat, dirigatque; ut, quod extremus denique rerum eventus probabit, dignis divinâ providentiâ, sanctitate, justitiâ, bonitatèque consiliis subserviant.

Ut verbo dicam, ubi omnes actores, qui suas in Theatro hujus mundi personas egerunt, prodierint, omnisque dissimulatio sublata fuerit, fraudes detectæ omnes, cordaque & consilia patefacta, tum ubi viderimus totam hanc tragediam, ab ipsis temporum initis super terram actam, ita excogitatam fuisse continuatamque à magno illo mundi, hominūque creatore, ut infinitè penè variz earum actiones, oppositæque consilia,

(ple-

(plerumque absque consensu, at sæpe etiam contra) ad dignam Deo conspirationem concurrerint; ubi hæc inquam omnia inspexerimus paulo attentius, pervadentis omnia, adeoque profunda sapientia parvis ea dicemus ut mirabundos fateri nos necesse futurum sit divino tantum omniscioque intellectu comprehendi ea potuisse.

Observearis fortè inter varia à me divina sapientia allata exempla, æconomiam salvatorum à Christo hominum obiter tantum à me fuisse commemoratam: quare præmonendum te censeo, licet ob rationes voce viva si libuerit tradendas, argumentum quod tot à Theologis tractatum est, à me, qui Laicus sum, non attingendum censuerim; non idcirco tamen illud à me prætermissum, quod inferius illud putarem aliis divina sapientia manifestationibus de quibus consulto hic disserui.

Plura enim, ut mea fert opinio, quam plerique animadvertant divina attributa, ad humani generis redemptionem peculiari quovis, distinctoque modo concurrunt: quorum cooperationem tam mirabiliter divina direxit sapientia, ut redemptionem Apostolus merito dixerit magnum pietatis mysterium, nec minus gratitudinem nostram, quam stuporem promeritam.

Non equidem nescio plurimos non increditos Theologos fuisse hoc de argumento, ac quosdam laudabiliter quoque egisse: verum est cur dubitem num eorum plerique in vitandis circa idem erroribus feliciores fuerint, quam peritiores in recludendis, quæ continet, mysteriis: magno redemptionis humanæ operi characteres quidam, vestigiæque divina sapientia, adeò conspicua, nè dicam fulgentia impressa quædam sunt, ut ea *fidelis* quisvis nec Lynceus admodum discernere queat: sed quædam pariter in hoc altissimo, amplissimoque Dei opere profunda Dei, ut phrasi scripturæ utar, *Beati qui* reperias, tantumque divina sapientia mysterio involuta, ut omnino perarduum existimem, quantumvis illustrata mens fuerit, fuisse dignèque tam vasto, abstrusoque super argumento agere: cum enim mecum ipse perpendo, plurima quæpiam, ut hoc præster, scire debere de natura spirituum in Genere; deque ipso etiam eorum parente Deo ipso; de intellectu, voluntate, &c. De anima hominis; de statu *Adam* in Paradiso; de sequenti ipsius lapsu; de huius in posterum influxu; de naturali, aut arbitraria ulciscantis se Dei iustitia; de causis consiliique Dei pœnas infligentis, instar creditoris, rectoris, aut utriusque; de admirabili, ac incomparabili Christi mediatoris persona; de dotibus officisque ipsi ut hominis ipsi redemptori competentibus; de naturis fœderum, conditionibusque eorum quæ Deus cum hominibus iungit, sive operum, sive gratiæ; de divinis decretis ad ultimum hominis statum comparatis; de arcanis potentissimisque divina gratia in mentem operationibus; de modo quo Dei spiritus in animas hominum agit, hominum

D inquam

inquam quos conversos, primum *sanctificas*, tum *glorificas*, ut paucis dicam tot sunt hic mysteria, (multa enim intacta reliqui) arduè ad eò speculationis ; apta tamen quæ discutiantur ab eo qui fusè solidè- que de redemptione hominum per Christum tractare voluerit, ut cum hæc omnia in mentem revoco cum Divo *Paulo* has in voces erumpam, *quis in ista sufficiat ?* tantùmque abest ut demirer plerosque hoc super argumento scriptores, ac Theologos quosdam divinam non sat manifestasse sapientiam, magno in hoc opere contentam : ut quòd ea opus hoc perfecerit eo admirabili quem Deus elegit excogitavitque modò, præcipuam frè mihi, & maximam sapientiæ ipsius suspiciendæ ansam præbeat : atque exploratum mihi omninò est luculentissimum esse sapientiæ specimen quòd Deus inflexibilem suam justitiam, exuberantem misericordiam, cæteraque omnia designatæ hominum salvationi contraria in speciem, reconciliavit eò usque ut ad humanam omnia redemptionem concurrerint : nullum siquidem est problema, aut in *Diaphano Alexandrino*, aut *Apollonio Pergeo*, in Algebra, aut Geometria tam difficile solutu, nec quod requirat simul attentum ad plures proportion- nes, congruitatesque eidem scopo subservientes, animum quàm requir- rat magnum hoc problema ab infinita Dei bonitate divinæ sapientiæ propositum ; redemptio scilicet perditæ, perversique generis humani conditionibus in Evangelio declaratis quæ, promovendæ simul ac semel tum divinæ Gloriæ, tum humanæ felicitati aptissimè quad- rant.

Licet quæ hæctenus de divinæ potentiæ sapientiæque magnitudine dicta sunt, meritò nobis persuadeant attributa hæc divina prorsus esse, venerationemque proinde nostram promereri, omninò tamen lateri me necessum est, factam eorum à me descriptionem varias ob causas mutilam esse ac imperfectam : primò enim non ea omnia allata sunt, quæ ad declarandam eorum excellentiam afferre ipse potuisssem, quia alibi, eodem de argumento egeram, satiùsque ducebam, in medium quæ prius non dixeram, adducere quàm paginam hanc superfluis, molestus- que repetitionibus implere : quamvis autem alius quispiam me longè ap- tior, aut hominum omnium eloquentissimus, vel Angelus etiam ali- quis *divinam sapientiam*, pro merito declarandam exponendamque sus- ciperet, imparem longè humeris suis provinciam hanc sentiret, cum divinum hoc attributum nativis depingere coloribus minimè posset. Quam enim, quan-àmque *ens omniscium* adhibueris sapientiam ab in- finito tantum comprehendendi, adeoque & describi intellectu potest : præ- terca sapientiam Dei in operibus creationis, providentiæque lucen- tem, comparatè ad ipsas, non ad nos contemplatus sum : sunt enim hæc attributa ex se excellentissima, eoque nomine *entium rationalium* quæ talium admirationem, laudèsq; promerentur : ut merito *Zenxis*
Apellus

Apollis peritiam celebravit, recentiorisque Geometrarum, ac Mechanici *Archimedes* suspiciunt: at in hac *irrelativa* divinorum operum contemplatione cum humana mens, iis tantum quas detegit, excellentiis intenta sit, non eo inscitiz lux si divina cum scientia intellectuque comparatio instituitur, sensu afficitur, quo haud dubie afficeretur, si attentius perenderet, quantam eorum quas speculatur, partem ignoret, quamque obscura mutilaque, quas detexit, cognitio existat: sed præter paucissimorum imperfectam hanc, ad quam coactus sum, mancãque divinorum attributorum descriptionem, addam insuper duobus me tantum esse immoratum, cum sat nobis perspectum sit, varias in Deo alias existerè perfectiones, ut præter incommunicabiles has, *ascentem, dependentiam*, bonitatem erga creaturas omnes, misericordiam in peccatores, iustitiam, veracitatem, &c. Atque ut dudum observavi, non immerito cogitare possumus, diversa in eo attributa, adeoque & perfectiones esse posse: quorum nullam nos habeamus jam notitiam, imò ne levissimam quidem conjecturam: cum inexhausta divinæ naturæ fecunditas tanta sit, ut minimam fortè tantum infinitæ potentiz operum partem attingamus, potentiz inquam quam infinita comitetur sapientia, quam ad liberalem sui communicationem æqualis exuberantque bonitas excitet, moveatque: atque eodem nondum video cur dicere non liceat, notione, ideaque Dei in nobis, ac quorundam quas jam noverimus attributorum ope posse nos in genere concipere alias in eo quas speciatim ignoramus perfectiones: cum eorum quas novimus attributorum licet *irrelativa*, ut ita loquar, qualia sunt aseitias, æternitas, simplicitas, independentia, &c. Merè speculatione, ac simul quodammodò innotescere possint; diversa tamen relativa attributa, seu perfectiones sunt, quas gradatim tantum ac *successive* cognoscuntur, ac quasi experientia eorum quas reipsa erga creaturas Deus præstitit: ut ipsa etiam Dei misericordia *Adamo* ante lapsum incognita fuit: divinæque in servandis promissis fidelitas, (ut cum *Messiam* se in *plenitudine* missurum promisit) non innotuit, ne dicam innotescere non potuisse, nisi temporis progressu, cum promissorum quodpiam impletum est: quare cum quædam Dei perfectiones requirant, aut supponant ipsas creaturarum naturas, ac conditiones, actusque aliquarum ex illis erga eum, non minus quam ipsius erga ipsas: eum nos quibus certum omnino esse nequit ipsum varia creaturarum genera non fecisse, variâque ad eas habuisse relationes juxta varios earum status, ac conditiones, nobis prorsus ignotas, nescire non possumus, attributorum quædam quas circa creaturas Deus exercuit, nostræ fortè notitiz esse adhuc subtracta.

Sed si nota, ignotæque attributa, pauciora, aut plura putanda sint, nemo inficias ierit, naturalem ac genuinum omnium divi-

narum illarum perfectionum cumulum quas sub distinctis nos notionibus apprehendimus, quia easdem uno quasi intuitu divina in essentia intueri nequimus, gloriosissimam constituere maiestatem, quæ quàm maximè demissam magni illius creatoris operum venerationem exigat: colligere porò licet è nonnullis præcicatorum textuum, Angelos inter meras creaturas, longè excellentissimos, scientissimosque, sacris in codicibus exhiberi, ut assidue occupatos non tantum in obsequendo, serviendoque, sed in laudanda, adorandaque etiam divina maiestate: quinetiam ipsum Angeli nomen in linguis primitivis novi veterisque testamenti, ministerium sonat: Hebraicum enim *Malach*, Græcùmque ἀγγελος nuncium propriissimè significat: ipsèque Christus in præstantissimo suo illo precum omnium exemplari insinuat demissione summâ, lætitiâque divinam in Cælo fieri voluntatem.

Cùm Christiani moneantur, diriganturque, ut optent ut Angelorum in Cælo obedientiam imitentur ipsi in terris: ut autem conservos seipso vocant, ita Cœlestes hi, ut ita loquar, legati minima etiam vocæis, quod fortè quis non existimaret, munera obeunt, considerant enim potius, à quo, quàm ad quem, aut circa quid missi sint: primus igitur, quem quidem sciamus, ad privatum quempiam missus Angelus is fuit, qui ad *Hagar* legatus est, mancipium, & fugitivam mulierem sitique in Eremo jam penè confectam, qui eam ad puteum aquarum limpidarum dirigeret ac quidpiam ipsi de filio suo nunciaret: alius Angelus exhibetur asinam contra falsum Prophetam quasi protegens. Quinetiam de Glorioso hoc creaturarum ordine in Genere docet nos scriptura, eos omnes administratorios esse spiritus missos ut iis qui salutis hæredes futuri sunt, ministrarent.

Quamvis Angeli summâ hic appareant interdum Gloriâ, suporem tamen, venerationem, aut terrorem etiam incutere solent viris. etiam præstantissimis quibus apparent, ut ex variis scripturæ locis colligere est, ubi docemur eorum præsentiam mirabilem comitari plerumque Fulgorem, atque in *Apocalypsi* 18. 1. eorum unus induitur gloriâ suâ terram illuminans: licet autem eorum multitudo tanta sit, ut myriades interdum, interdum legiones eorum commemorentur, atque alibi scriptura inducat *millia millia*, & decies milia millia decem, Cœlestes tamen ii aulici, qui si cum hominibus comparatio instituat, Gloriosi adeò sunt, nosque tum rerum intelligentiâ, tum innocentia tanto superant intervallo, cum circa Thronum Dei apparent, juxta visionem Prophetæ, qui duobus regibus *Judeæ*, & *Israëliitarum*, asseruit, vidisse se Dominum sedentem in throno

throno suo, totumque Cœlorum exercitum stantem à dextris, & à sinistris, astabant non contemplabundi tantum sed, ut *Daniel* dissertis verbis ait, ut ministrarent, atque in ipsa *Isaia* visione Seraphini exhibentur velantes facies suas coram magno suo factore in sublimi suo solio sedente, quorum haud dubie minus est summâ demissione venerari, ac celebrare tam fulgentem maiestatem: dum autem sibi invicem inclinare dicuntur *Sanctus, sanctus, sanctus est Dominus Deus exercituum, plena est terra maiestatis Gloria eius*, non est cur summam hanc Angelorum venerationem miretur quisquam, cum, quoties honorifica de re quapiam opinio non ab ignorantia, sed ab ipsa rei cognitione oritur, quo major est huiusce cognitionis augendæ opportunitas, eò maiore veneratione, id, quod miratur, objectum, ens intelligens prosequetur: hæc perfectiones ejusmodi sunt ut Angelicus etiam intellectus capere eas nequeat: ut enim linea quantumvis secundum longitudinem protracta superficies fieri nequit: ita creatæ perfectiones quantumvis crescant, nec divinæ unquam, nec divinis æquales evadere queunt: ac creaturæ quidem unibratiles tantum, ut ita loquar, atque arbitrarie magni ore atoris imagines sunt. Quædam fateor perfectionum ipsius quasi signilla in iisdem reperias, quibus quidem ad divini exemplaris contemplationem intellectus exciteretur, sed quæ vix veræ, ac genuinæ ejusdem imagines dici queant: ut imago horologii, hominis, &c. Aut nomen ipsum, calamo atramentoque conscriptum, veram perfectamque rerum ideam non exhibet, quarum internam constitutionem superficies exhibere nequit, sed intellectum tantum ad eogitandum de iis, ideamque perfectius effingendam mover: quod autem de creaturis in genere dixi, de ipsis etiam Angelis dictum puta: qui multis quidem partibus cæteris creaturis superiores sunt; ac earum tamen ordinem quia non transcendunt, infinito intervallo à divina naturâ distant: ut licet mille, numerus major sit longè quàm decem, milliùque major numerus quàm mille, hi tamen omnes numeri ab infinito infinitis dissident: cum alioquin numerus finitus, quo major differt à minore, sui accessione numerum finitum efficere possit infinitum: ut autem quæ de Angelis dicebam, resumam, non abs re fore putavi si commemorarem, & naturæ eorum nobilitatem, & splendorem apparitionum, summamque eorum venerationem, ac pietatem erga creatorem: remota enim ex quadam cum aliis comparatione æstimare solemus.

Quemadmodum recentiores Philosophi docent, Solem & Lunam sub ortum, & occasum videri nobis majores, magisque à nobis disticos quàm cum meridiano propiores sunt: quando enim

in horizonte sunt eos intuemur tanquam ultra montes, longèque terrarum aut marium tractus constitutos, quos vastissima esse objecta scimus, nos inter tamen ac Cœlestes Globos interpositos, adeoque & nobis iisdem propinquiores: Cum itaque Angelos nobis imitandos sacra scriptura proponat, exhibita supremo enti ab excellentissimis iis spiritibus, nobis teste Divo *Petro* potestate superioribus, reverentia, mortales admoneat summæ illius, quam eidem debent venerationis, doceatque nos, quoties aut de Deo loquimur, aut Deum alloquimur, interius agnoscere, verbisque exprimere, distantiam illam infinitam, perfectissimum inter, ac omnipotentem creatorem, ac creaturam imperfectissimam, atque adeò infernam; Deumque summè sanctum inter, hominèmq; summè peccatorem.

Si quam propolitz superius de diversis mundis conjecturæ probabilitatis speciem præse ferant, non fuerit quoque abfimile vero in iis systematis, varias creasse Deum creaturas quarum fabrica motûque, adeoque & proprietates & operationes plurimùm discrepent ab operationibus earum creaturarum quæ nostrum *mundum* incolunt: varia autem artificia, ex quibus diversa illa nascuntur discrimina tot futura sunt exempla, ut & effectus, multiplicis sapientiæ, magni rerum omnium creatoris, aut juxta textum hebraicum, *Ioxer haccol* totius universi factoris. Sed ut nunc quidpiam addam quod proprius spectet ea quæ de divino spirituum regimine postremo disseruimus: quantum *architectonica* hæc, ut ita loquar, *sapientia*, creatrix, reatrixque, adeò innumerabilium, ac discrepantium creaturarum extollenda est, si mundos alios aut vortices, de quibus haud ita pridem, partisque nostri inconspicias, aerem puta, & æthera intelligentes incolant licet non visibiles populi: licet enim scriptura videatur disertis verbis duplex tantum spirituum genus agnoscere, bonos scilicet aut Angelos qui totius sibi generis nomen vindicârunt, & malos, aut Apostatas, qui vulgò *Diaboli* dicuntur: horum enim spirituum notitia homines propius spectat.

Ipsamet tamen scriptura, quæ in historia creationis Angelorum creationem ne insinuat quidem disertis verbis, atque alibi tum bonos, tum malos ut diversorum ordinum exhibet, quantum ex diversis, quæ ipsis impertitur, nonnibus conicere licet, scriptura inquam non negat nullos alios esse spiritus præter eos quorum mentionem facit: quare nullâ scripturæ illatâ injuria, existere ejusmodi affirmare licebit, si quando id nobis aut ratio, aut experientia probabile reddiderit: neque omnino simile vero videtur, dum terraqueum nostrum Globum, aeremque spiritus plurimi frequentant, omnes cœlestes Globos, quorum plurimi mole nostrum exsuperant, omnemque ætheream, aut fluidam mundi partem Globis omnibus tum cœlestibus, tum terre-

terrestribus majorem, incolis omnino carere: non vacat hic antiquorum tum orientalium, tum Græcorum scriptorum, maxime Pythagoreorum, ac Platoniorum opiniones proponere: quorum magistro hæc de Dæmonum multitudine sententia ascribitur, [quo nomine non ita. los. tantum spiritus intelligebant] qui in superiore mundi regione viverent. *Δαίμονες: αἰθέριος γένος*: non pronuntiabo audacius de genuino duarum illarum scripturæ phrasum sensu, ubi de regni sanatici capite Dæmone agit, quem vocat principem potestatis aeris; vox autem aer apud Hebræos latissime accipitur, ac sæpè pro *Cælo* usurpatur, & quando agit de magis Evangelii adversariis, quos vocat *spirituales nequitias*, aut potius, ut textus syriacus habet, spiritus nequitie hoc est spiritus nequam, non in locis excelsis, ut explicant nostri traductores, sed in Cælestibus: licet autem, ut insinubani, duos hosce textus ad directam conjecturam mearum confirmationem detorquere nollem, videntur tamen illi sine minus exigere, certè admittere posse interpretationem propeposito mihi scopo convenientem: quidquid autem sit de Ethaicorum Philosophorum, ac poetarum assertionibus, magni sane momenti est, quod ab excellentissimo Grotio observatur, qui varios authores Hebræos in hanc rem citat: asserit itaque is opinionem fuisse Judæorum omnia loca à terra ad Cælum etiam liellatum plena esse spiritibus: si sic se res habeat sapientia Dei ac potestas opinione nostrâ potentiores futura sunt, cum creatur regatque, tam innumerabilem variorum eorum diversorumque generum multitudinem; quorum unumquodque & intellectu ac voluntate præditum sit: cum præsertim eorum fortè prærima, aut pleraque, atque integri etiam forte ordines in *vra* adhuc sint: in qua libero gaudent arbitrio: qualis erat *Adami & Evæ* status in *Eden*, omniumque Angelorum, antequam eorum quidam primum suum, ut scriptura loquitur, statum ac mansionem dereliquissent: Angelicis autem hæc cœtibz, si addamus turbam puerorum, idiotarum, atque mente captorum, si u insano- rum, e quibus licet omnes sensu quodam creaturæ rationales audire possint, primo tamen plenum rationis usum ætatis defectu non attigerunt, postremi verò hanc exserere facultatem nequeunt ob imperfecta admodum organa, aut malè disposita, sapientia potentiaque Dei in regimine tot tanque variorum cœtuum creaturarum intellectualium eò illustriores, magisque mirandæ videbuntur homini hæc propius omnia in-
tuenti.]

Diffantia creatorem infinitum inter ac creaturas, limitatos tantum ac arbitrarios potentie ipsius ac voluntatis effectus, tanta est, ut divina attributa, seu perfectiones infinito transcendant intervallo levia hæc earum vestigia, quæ vel aliis creaturis, vel nobis etiam ipsis impressit. Tantæ est Dei natura excellentiæ, ut qualitates quædam sint, quæ licet

perfectiones in homine Deo ascribi nequeunt. Ejusmodi sunt temperantia, fortitudo, humilitas, alique quàm plurimæ: quod eo minùs mirum videbitur animadvertenti virtutes quasdam, castitatem puta, fidem, patientiam, liberalitatem, ad hominem tantùm in hoc mortalitatis, ac infirmitatis statu pertinere: quæcunque autem perfectiones simplices omninò, impermixtæque fuerint, nullamque in natura illa incomparabili imperfectionem præsupponant, quales sunt, æternitas, independentia, vita, voluntas, &c. Has certissimè omnes possidet: cum primordiale is & exemplar, & author, sit ejus omnis, quæ nobis inest, earum similitudinis: valet enim ratiocinatio hinc Psalmistæ, qui plantavit aurem, non audiet? qui formavit oculum non videbit? qui docet hominem scientiam, non cognoscat? Cum omnes perfectiones communicatæ creaturis, si vè Angelis si vè hominibus, aliisque quibuscumque sint divinæ excellentiæ emanationes, non minùs ad Deum spectent, quàm fulgente splendidius Sole, dispersi per aerem radii ad Solem spectant in quo uniuersæ, & à quo emanant: magnum ergo discrimen perfectiones inter magni creatoris, analogasque iisdem in creaturis perfectiones, ad omnes quæ in utrisque modo admodum diverso reperiuntur, extenditur: ut tamen humanus intellectus plurimè seipsum facit ob sapientiam, ac scientiam, ita nihil aliis in entibus pluris facit, aut in quo minùs vinci velit.

Quapropter ut in priore hujus tractatus parte variis modis inculcavam summam divini intellectus supra humanum, eminentiam, ita non abs re fuerit idem nunc prolequi argumentum, quibusdam, quæ hanc præminentiam manifestam faciunt in medium adductis. Persequamur itaque, innumera Dèum nosse, quæ nos omninò nescimus, cum non possit non nosse omnes, quas fecit, creaturas, si vè visibiles, si vè invisibiles, si vè corporeas, si vè incorporeas, & quas ipsis indiderit facultates, juxta illud *Iacobi*, cognita sunt Deo omnia opera ipsius ab ipso mundi initio: quin etiam cum non possit non rescire infinitæ suæ potentia atque activitatis suæ sphaeram, multa haud dubiè novit quæ esse possunt, quæ nec fecit nec fortè futurus unquam est: sed ne res actu existentes prætergrediar, præter corporatas, atque immateriales creaturas, earumque facultates, aut potestates, quarum aliquam habemus notitiam, ac præter multitudinem aliarum rerum, quarum particularem nullam habemus ideam, res novit, quas nos aliquatenus etiam novimus, sed modo sibi omninò speciali: quod enim nos ex parte cognoscimus, plenè perfectèque penetrat, quod nos obscure, dilucidè distinctèque cognoscit ille, quod nos fallibilibus tantùm novimus mediis, is novit certissimè: sed præcipuum divinæ cognitionis privilegium est quod perfectè seipsum Deus cognoscat; hæc enim cognitio non humanum modò, ut inspiratus etiam quispiam fatetur, sed Anglicum etiam superat intellectum: cum infinitam Dei

naturam

naturam infinitus tantum intellectus comprehendere possit: quod autem attinet ad opera Dei etiam merè corpora, ac minima, nostra eorum notitia, longè inferior est divinà: licet enim recentiores quidam Philosophi conati sint perquam ingeniosè rerum corporatarum naturam explicare, allatæ tamen ab iis explanationes præsentem mundi fabricam præsupponunt, legèsq; motus in eo constitutas: at Deus speciatim novit & quare, & qui in *universum* hoc planè stupendum efformata *universale materia* fuerit potius quàm in mundum alterius ex innumeris quos condere potuisset, texturæ, & cur hæc potius motus leges quàm aliæ constitutæ fuerint, & qui insensibilis materia, ad cuius naturam motus non spectat, moveatur aptaque fiat, quæ eundem juxta regulas determinatas, quas ipsa non intelligit, transferat, ac propaget: at cum attentius homines contemplantur particularia, & magis elaborata naturæ opera, ut semina, ovæque animalium, aut texturam mercurii, venenorum, antidotorum, &c. facitur suam ingenui ignorantiam, circa peculiare eorum aut producendi, aut operandi modos, suam verò audaciores produunt: sed forte nosmetipsos, melius quàm quæ extra nos sunt, novimus, sed quàm rerum nostrarum iguari simus etiam si fingendæ nunquam disputationes *Aristotelis*, ac commentatorum ejus, aliorumque Philosophorum circa animam humanam, medicorumque & anatomicorum circa mechanisum, & Theoriam humani corporis, id ipsum, sat superque non declarant, facile ostendi possit, ut alio in tractatu ostensum est ex ipsis conditionibus ad unionem corporis animæque requisitis: quæ cum arbitraria primum Dei institutione constitutæ sint, nihilque his comparandum natura proferat, modus, terminusque mirabilis hujusce unionis ænigmata sunt Philosophis: sed innotescunt haud dubiè luce clarius meridianâ uni insistenti, ac quamdiù perseverat, ejusdem conservatori: varix insuper sunt divinæ humanam supra cognitionis præmiuentiæ quas hic prætermitti non oportebit: primo enim homines pauca tantum simul ac semel percipiunt, paucisque tantum rebus animum applicare simul possunt, juxta vulgatum illud, *Pluribus intentui minor est ad singula sensus*: miraculi siquidem instar habetur antiquorum nonnullos, duobus tribusve simul Amantensibus dictare potuisse: divina autem cognitio simul se extendit ad id omne quod attingere potest; lyneei ipsius oculi omnia creationis opera unico intuitu introspiciunt: atque ut inspiratus quidam asserit nulla est creatura quæ ipsius aspectum fugiat: omnia ipsius aspectui oculoque patent, aut si vocem Græcam, *παντοχρηστου* ita reddere liceat, ad oculos ipsius extraversa sunt: longè plura uno etiam intuitu objecta semper intuetur, quàm Sol ipse facilitate videndi præditus intueretur: detegit enim introspicitque Dens omnes creaturarum suarum visibilibus, aut invisibilibus cogitationes, actusque omnes: neque secundò

E discurs-

discursiva est divina cognitio, illius instar quam nos ratiocinationibus nostris acquirimus, sed intuitiva: licet enim homines, ob finitudinem, imperfectionemque intellectus, unius rei notitiâ utantur tanquam gradu ad aliam cognoscendam, quæ nobis minùs nota sit, ut in ipsis syllogismorum formis observare licet; Deus tamen cujus cognitio, non minùs quam reliqua ejusdem attributa, infinita est, ac infinite perfecta, nullius rei notitiam, alterius ope adipisci compellitur: unumquodque enim, ut ejusdem author, in seipso novit: cum itaque omnia ipsi æquè innoscant, in seipso tanquam divino ac universali speculo, quicquid sub cognitionem cadere potest, distinctè ac simul introspicit: tertio, intimos hominum sensus, cogitationesque Deus novit, unde dicitur *na. d. 17. 4. ne*, & scrutator cordium, qui actu omnes tum imaginatricis, tum intellectricis facultatis novit, hominùmque etiam dissitorum cogitationes nec unquam expressas, quas nullus homo sciat: neque enim tantùm sanctus *Johannes* dicit, si cor nostrum nos condemnet, Deum majorem esse corde nostro, ac omnia scire: sed Deus *Daniellem* docuit qui *Nabuchodonozari* exponeret totam Prophetici somnii seriem quam Monarcha ille revocare in memoriam non poterat: hic autem non fuerit inutile observasse quidpiam, quod fortè jam mentem non subit, ea etiam quæ homini cupiam contingunt, maximèque eum feriunt, penitiùs à Deo, quàm ab ipso homine cognosci. Cùm Divus *Paulus* de suo in Paradisum rapto, ubi nos ubi bis dixisset, utrum in corpore, utrum extra corpus nescio, toties addat Deus scit; quandoquidem cognitio nostra tum nostri, tum aliarum extra nos creaturarum adeò imperfecta est, deficientisque, non prohibebit quorundam audacia, qui lumine rationis agnoscere se Deum perfectè posse putant, ne hanc quæstionem moveam quàm imperfectam scilicet divinæ naturæ cognitionem Philosophi habeant, cùm eum tantùm ex operibus norint, horumque adeò ignari sint.

Quantum conspicuùmque divinæ cognitionis privilegium est futurorum contingentium præscientia, quæ à determinationibus, actionibusque liberorum agentium pendent; tantùm enim abest ut nos homines ejusmodi eventus assequi possimus, ut doctissimi etiam quique variis ingenia sua modis contorserint, ut intelligerent quæ demum ratione hos Deus ipse præsciret: unde fit, ut nimium multi, etiam Christianos inter, hanc Deo præscientiam negent: licet varè impletæ in scripturis prædictiones hanc nos in eo admittere compellant. Cùm mecum ipse perpendo supereminentem excellentiam innumeræque Deitatis privilegia, non possum non mirari ac molestiâ quadam affici dum animadverto homines ratione præ-

dictos

* Ps. 117. 2. * 1. Chron. 29. 9. § Johan. 3. 20. † Dan. 11. 31. * 1. Cor. 12. 3. 1. 3. 4.

ditos ac Christianæ religionis professores , ac studiis etiam plerumque deditos , dedita operâ , atque etiam non sine contemptu aliquo ea negligere quibus pleniorē Dei cognitionem acquirere possent , quā ad maiorem ejusdem venerationem allicerentur : ad ulteriorem Dei cognitionem , ut profundius eam adoremus , aspirare & tenemur , & præcipua felicitatis nostræ pars est. Deus qui desiderium scientiæ hominibus ingeneravit , ac facultatem quandam discrepantes cognitionum excellentias distinguendi , eisque quæ præstantiores sunt plurius æstimandi , quique hominem ad investigationem , amorēque Dei super omnia teneri voluit , Deus inquam hæc omnia non præstitisset , nisi probè nosset , eos qui ritè facultatibus utuntur experiri se omnium intellectus obsectorum præstantissimum , quod maxime omnium ipsorum mereatur stuporem , ac admirationem : quid porro à creatura rationali convenientius fieri potest ? quàm si suam ipsa rationem divini entis contemplationi applicet , *enim* inquam & authoris sui , & nobilissimi circa quod versari poterit objecti. Notitia linguæ cujusdam jam exoletæ , aut rubiginosius cujusdam numismatis , aut opinionum , consuetudinūque nationum quarundam , aut sectarum , quæ fortè nec melius vixerunt , nec ratiocinati sunt quàm nos , operæ pretium habetur , laboriosaque eruditorum hominum industria , studiūque rerum merè corporearum honorificam Philosophi appellationem conciliat : quidquid autem hæc objecta in seipsis spectata sint , certum omnino est profundissimas eorum cognitiones excellentiæ ac nobilitati Dei cognitionis , quæ tantum cognitionem operum ipsius superat , quantum eadem ipse transcendit , excellentiæ inquam cognitionis Dei comparatas , nullius esse momenti : suæ autem naturæ privilegio Deus infinito superat intervallo quicquid fecit ; sive opera naturæ spectemus , sive artis , quorum priora alio sub nomine immediata ipsius opera sunt , posteriora effectus ab uno ex operibus ipsius producti , ab ipsoque proinde oriundi licet hominis interventu producti : quamvis autem verissimum sit corporeo Deum mundo eos potestatis , sapientiæ , & bonitatis suæ impressisse characteres qui Philosophorum admirationem merito exegerint , magnus tamen mundi author infinitis partibus superior est omnibus suis artefactis ; adeo ut , licet facere potuerit , ac facere semper possit , creaturas creatis longè perfectiores , naturæ tamen suæ privilegio creaturas quantumvis excellentes transcendat , cum creatura vel quā talis , ut divina alia attributa præteream , nec *aseitatem* , nec independentiam assequi queat : quapropter lugubre quid mihi omnino videtur quod non nisi coacti , aut quodammodo invitati pauculas impendamus horas contemplationi , internæque gloriosissimi ac perfecti illius entis adorationi , quæ ipsos continè Angelos occupatos tenet : idque

vel ex eo, vero non ab simile puto quod beatissimi ii spiritus exhibeantur nobis in sacris scripturis, latissimis canticis acclamationibusque orbis natalitia celebrantes: quos facile crediderim ardentissimo teneri desiderio Dei ulterius cognoscendi: quandoquidem teste quodam *Apostolo* ardentissime cupiunt contentas in Evangelio veritates intueri, divinæque bonitatis munificentiam fragiles erga mortalesque homines.

Scio obijci à quopiam posse scrutatorem majestatis opprimi posse à *Gloria*, periculosaque plenum opus esse alex divinam scrutari curiosius naturam: sed ut, omittam Latinam hanc sententiam ex libro Apocrypho esse desumptam, responsio in promptu est, arcana Dei ipsi soli relinquenda, videri mihi, abstrusam esse ipsius substantiam, aut essentiam, decretaque nondum revelata, quorum fateor cognitio ad nos non spectat: sed aliud longè est *Deum* ex superba curiositate contemplari, eo tantum consilio ut quidpiam de eo non commune noscamus, aliud est summa animi demissione illud præstare, desiderioque nostræ circa ipsum cognitionis promovendæ, quo nostra erga ipsum pietas, reverentiæque crescant; summæ quidem arrogantia est, sperare divinas nos comprehendere perfectiones posse, ita ut nihil superius inquirendum super sit: si verò ad ulteriorem earum notitiam eo consilio aspiremus; ut nobis miranda magis, nostroque magis dignæ amore videantur, curiositatis quidem genus quoddam erit, at non venià tantum, sed & laude dignum: Scriptura alicubi hortatur nos, ut non tantum crescamus gratia, sed & Cognitione Christi ac alibi ut virtuti scientiam addamus: cumque *Moses* rogaret ut propiore Dei iniuitu beateretur, licet pars eorum quæ petebat, denegata fuerit, utpote mortali ipsius statui minus conveniens, sanctæque fortè ipsi tum futura; id tamen à Deo responsi accepit quo manifestum fieret supplicantis petitionem non ipsi fuisse ingratam, pia enim ipsius curiositati illustriore tum spectaculo, quam alias unquam sive ageret, sive pateretur, factum est, satis. Quod autem aspirare possumus ad perfectas admodum cognitiones eorum objectorum etiam supernaturalium, quæ assequi penitus nequimus, ex *Paulo* discere licet, qui precatur ut *Ephepsi*, omnesque boni Christiani comprehendere possint, quænam sit latitudo, longitudo, profunditas, ac altitudo, quidque sit amor Christi, qui, statim addit, scientiam superat.

Si igitur posuerimus licere Deum contemplari non eo consilio ut libera ipsius decreta exploremus, neque ut nova cudamus dogmata circa ejus naturam, ac attributa inter doctiores, sed ad excitandos in nobismetipsis eos perfectionum ipsius sensus, quos revera ipsa in contemplante attentiore producere queunt: devota Dei contemplatio, ita se habet.

habet. Præter alia magna quæ secum affert commoda, ita ut humanus intellectus *Moyſis* inſtar in Monte aſſiduâ cum Deo familiaritate conſtantem acquirat ſplendorem; præter hoc inquam felicemque hujus commercii in animi virtutes inſluxum, ea omnino ſum in opinione nullius animam exercitii capacem eſſe, quod hocce delectabilis ſit in regione hac ſublunari: in conſeſſo apud omnes eſt admirationem unam eſſe è gratiſſimis mentis affectionibus, quæ interdum cum objectum eam promeretur, adeò eadem abripitur ac poſſidetur, ut aut cætera omnia oblivifcatur, aut non animadvertat, ut contingit ſæpè in publicis, ſuporémque cientibus ſpectaculis, utque poriores ob cauſas accidit *D. Petro* cum glorioſâ Chriſti transfiguratione in monte *Tabor* raptus exclamavit, *bonum eſt nos hic eſſe, faciamus etia tabernacula*, &c. Adeò enim ſplendiſſimo hoc ſpectaculo abſorptus eſt ut Evangeliſta diſertis verbis dixerit neſciſſe eum quid diceret: cum jam voluptas ab admiratione orta, naturæ vulgò reſpondeat inſolitæ rei quam admiramur, cujus demum rei admirationem eam parere voluptatem poterit, quam ea pariet, cujus objectum Deus ipſe eſt, hoc eſt entium omnium tum primum, tum maximum? Stupor in nobis ab humili, attentæque Dei contemplatione productus, duobus maximè eum ſuperat, quem vel ipſius, vel noſtra ipſorummet opera movent; cum enim primo corpore miramur, quantumvis nobilia, ac pretioſa, puta ſtellas, Gemmasque, comitantem ſuporem noſtrum delectationem imminuit quidpiam ab ipſo ſtupore noſtro ortum; aut potiùs ſupor ipſe noſter, cum ſummam intellectus noſtri imperfectionem denotet, ut, quem merz detineant vincantque creaturæ, quòdque pejus adhuc eſt, creaturæ nobis multò inferiores: cum nihil mirum ſit ſi humanus intellectus rapiatur in admirationem ex contemplatione Glorioſiſſimi illius entis ac infinite perfectionis: quod neceſſariò adæquatam intellectus cujuſvis creati comprehensionem exuperet. Sed alio etiam ex capite *Dei admirationis* aliarum rerum admiratione prior eſt: cum enim alia objecta finita tantum naturæ ſint; atque ob unum tantum quidpiam admirationem noſtram promerita, noſtra ipſorum admiratio conſtans non eſt, ſed poſt nonnullam cum iisdem familiaritatem langueſcit primum, tum deſinit: porrò, Deus eſt objectum, cujus natura ſingularis admodum eſt, cujus perfectiones adeò immenſæ ſunt ut nulla in eo contemplando perſeverantia, aut temporis mera ſuporem noſtrum imminuat, quo enim magis eum cognoviſſimus, eo miramur magis: quare perpetua novarum cognitionum viciffitudo futura eſt, ac deſiderium: quia autem unico eum nomine appellamus, unicum tantum speculationis objectum eſſe fortè exiſtimamus: quamvis autem unica ſit Dei eſſentia, tanta tamen ipſius eſt immenſitas,

aut, ut ita loquar fecunditas, ut *objectum* sit varium maximè, ac multiplex: ita unicum Cœli nomen est, sed tot fixas sinu suo stellas ac planetas complectitur, quorum diversis motibus tot exhiben-ur phœnomena, ut licèt occupatos per plurima sæcula astronomos tenuerint, recentiores tamen non minùs conspicua, sin minùs numero fortè æqualia detexerint: ut autem optidorum ope tuborum *fixas inuenerit*, varioſque planetas antiquis incognitos deteximus, ita nostri ultra æquatorem navigatores varias integras in meridionali hæmiſpherio conſtellationes detexere: quæ Cœlum licèt objectum sit perpetuò ac conspicuè hominis aspectui patens per aliquot jam annorum millia, novam tamen in dies admirationis materiam ſuppeditat: neque ullatenùs dubito quin perfectioribus adhuc poſteritas teleſcopiis ignotas nobis tum ſtellas, tum conſtellationes detectura ſit etiamnum.

Non eſt ergo cur metuamus ne noſtra Dei admiratio objectorum de novo excitantium, ac percellentium defectu expiret, aut deficiat: infinitus hic oceanus, excellentium objectorum varietatem continet, quæ longè difficiliùs exhauseris omnia, aut percurreris, quàm viuentes in ſublunari noſtro oceano creaturas, aut in littore ſacentes numeraveris: mirabili itaque proſuſ Dei excellentiæ ex merito noſtro applicari poterit, quam *Ariſtoſeles* velut quandam infiniti definitionem proponit, *ex quo ſcilicet accipientibus ſemper reſtas accipiendum*. Si intellectus humanus novas quotidie divinæ naturæ cognitiones acquireret, novâ ſemper digna admiratione detegeret: quemadmodum in infinita numerorum creſcentium ſerie progredi ſemper poteris ad majores ac majores numeros: ſed interim à primo tantùm minimòque progreſſionis termino, qui minimæ cognitioni noſtræ Dei noſtro in caſu reſpondet, longiùs ſemper ac longiùs progredieris, quam aſſequaris nunquam, inid, quod ſanè permirum licèt veriſſimum ſit, videri poſſit, quamvis ne propiùs quidem accedas ad numerum infinitum, ſiquis ejuſcemodi exiſteret, aut etiam ad omnium numerorum maximum: ut facile ii adinadvertent, qui progreſſionum in infinitum indolem examinarint.

Ex his duobus mox commemoratis, quibus quoad delectabilitatem potior eſt quavis aliâ Dei admiratio, cæteriſque potioribus contemplationis Dei conditionibus tibi jam ſatis ſuperque conſtat, & ſibi & officio deeſſe ſuo eos qui cogitationes ſuas tam nobile circa gratumque objectum, vel nolint exercere, vel negligant: atque hoc in caſu omnino exiſtimo longe utiliorem eſſe aliis hominibus *rationeſ*, quàm Athei, qui quamdiu tales remanent eam circa Deum occupare nequeunt, niſi quadam tunc diffidentia, ac terrore: quare vel hoc nomine *Epicuro* felicior longè *Plato* fuit, quandoqui-

doquidem, cum hic Dei interdum contemplatione absorberetur, nullum ejusmodi gloriosum aderat objectum, quo rationalis æque in illo, jucundæque admiratio excitaretur.

Quod jam ut torius hujusce dissertationis scopo applicemus, licet tam purâ, spiritualique delectatione non immeritò aliciamur ad elevandas cogitationes nostras ad gloriosissimum, maximèque amabile objectorum omnium, scopus tamen admirationis nostræ Dei, & effectus hic esse debet ut nobiliores summi illius entis ideas effingamus: quod quò diutius contemplamur, eo magis cognoscimus omnibus ipsius operibus superius, ac nobis præsertim ipsis qui non sumus ordinis supremi, quique quatenus meri homines vix quidquam aliunde nobilitatis trahimus quàm ex eo quod Dei cognoscendi, amandi, adorandi capaces simus: hanc autem occupationem qui objectam minùsque beantem putaret, ipso etiam in Cœlo felicitate carere posset, si disposita hunc in modum mens isthuc admitteretur: genuinus autem attentioris nostræ circa excellentiam infinitam contemplationis effectus hic sit oportet, ut nostram sub eadem tenuitatem sincero nihili nostri sensu agnoscamus, præstemusque eam quam debemus venerationem ac reverentiam huic, ut cum scriptura loquar, glorioso, tremendoque nomini (hoc est, *objecto*) Domino Deo nostro: quare cum Deus *Iobum* ex turbine allocutus esset, ac quidpiam ipsi de divina magnitudine declarasset, pius hic Philosophus priores suos de deo sermones mutavit, fastusque est effuruisse se quæ non intelligeret res scilicet nimium stupendas, quas non caperet: cum itaque doceri à deo cupisset, exponit quàm facile ex propiore ipsius cognitione, ad humilem demissamque de nobis ipsis opinionem progrediamur: *audivi de se*, inquit is de creatore suo, *audivi auris*, sed oculus jam meus videt te, quare, insert ipse *abhorreo à me ipso, & panis me in pulvere & cinere*.

Non equidem ignoro præcipuam hujus excursionis partem quamdam videri posse digressionem: quam citò mihi condonabis si tam facile quàm ipse queam hanc si quæ sit excusare culpam volueris: cum enim in eo forem statu in quo Propheta regius cum dixit, *cor meum ardebat intra me, in meditatione mea exarsit ignis, tunc locutus sum*, ut tum ipse dixit, *linguam meam*, nec illibenter tam nobile circa argumentum stylum exercebam, conabarque in memet saltem ipso excitare eam divinæ majestatis admirationem, quæ *obsequi rationalis* ipsi à me debiti pars fortè aliqua esse queat: deo placuit declarare ab offerente laudes, aut, ut mea habet editio, sacrificia glorificari se, nostræque pietatis in deum officia scriptura disertis verbis.

verbis precum sacrificia nuncupat: estque sanè cur pro certo habeamus, cum *vituli* labiorum nostrorum, ita enim nostra dei encomia interdum appellantur, commendentur à deo, mentales has oblationes, quibus sublime de tanta excellentia nostræ vilitati comparata honorificæque, de nobis verò metipsis humiliter demissæque sentimus, non minus ipsi fore gratas: ejusmodi enim reverentia, piusque timor, ut cum Apostolo loquar, quædam sunt rei adoratio in spiritu & veritate: quisquis enim hunc sese in modum exercet, non absque aliqua animi voluptate comparare se *Zacharia* poterit cum dicebatur sorte ipsi obtigisse ut thus adoleret, ut deo offerret sacrificiorum legis nobilissimum, ac purissimum genus: ne autem longius digrediar; addam tantum hic loci, videri mihi nobis me in munere, jucundoque versari, dum ea simul colligere conor, quibus stuporis venerationisque divinorum attributorum sensus, qui quidem profundi satis esse nequeant intendantur, ac crescant: qui inquam profundi satis esse nequeunt, cum quò propius infinitam hanc excellentiam, exuberantemque omnis bonitatis fontem cognoscimus, & adoramus, eo majora ab ea pluraque derivamus beneficia: hinc est quod deus in sacris codicibus de quodam è cultoribus suis cui eodem in Psalmo, varia alia promiserat benevolentia sue testimonia, hunc in modum loquens introducatur: *quia suum in me cor & amorem collocavi, ideo liberabo eum, exaltabo eum quoniam cognovit nomen meum*; incogitantia, quædam aut vitio potius præjudiciiisque, aut certè adeò ipsa argumenti majestate profunditatæque inepti reddimur qui magnos in nobisipsi dei, divinorumque attributorum sensus foveamus ut omnino necesse visum fuerit, varia adhibere non semel argumenta variis è locis petita, quibus tum nos ipsi, tum alii alliciantur ad exercitium & ipsis ignotum, & fortè etiam ingratum: quod quidem Apologia mihi loco futurum est, si hoc in tractatu toties hoc officium commendem, quod non proponi tantum, sed & incalcarì debuit: excursionem tamen hanc potius quàm digressionem non continuabo ulterius, memor ejus quod initio dicebam, quàm circumpectè reverentèque de deo loqui nos oporteat.

Tædii plenum opus foret iis omnibus insistere argumentis quibus immensa, divinum inter, humanumque intellectum distantia demonstrari posset: rem tantum ulterius illustrabo ductâ quædam à majore, & minore luminari comparatione: humana enim ratio, divino intellectui comparata, instar Luna tantum est, si cum Sole comparatio instituat: namque ut Luna comparata Soli exigua tantum stella est, obscuro alienoque lumine lucens, suis tam decrementis, quàm

quàm incrementis nec non & eclipsibus obnoxia , nigrisque semper maculis aspectu deformis : ita humanæ rationis lux per exigua est divinx comparata cognitioni , seu cognitioni dei qui verè in scripturis dicitur , *fons* , ut *pater luminum* ; hoc autem ipsum humani intellectus quaecumque lumen , à quadam à deo irradiatione oritur , in *cujus lumine videmus lumen* : hoc autem lumen quia participatum tantum imminuitur , aut augetur , ac sæpè deficit penitus , ac evanesceit , aut obscurantibus passionum nubeculis , aut suspensis provocati irradiatoriis radiis : quin etiam optimè etiam in statu variè deficit ut uniformiter , pleniusque illuminare nequeat.

Quare omnibus ritè perpensis omninò par est , decetque nos homines omninò circumspectè agere non tantum cum Philosophicas de deo quaestiones proponimus , hoc est cum de eo disserere audemus , sed tum etiam vel maximè cum eum laudare volumus : aliud enim est de deo vera , aliud digna deo loqui : quam enim perfectissimam illius ideam effingere possumus , ea aptius nostram tantæ majestatis venerationem , quàm tantæ perfectionis immensitatem exprimere poterit : quinetiam pares , maximè omnium hominum lyncei notiones , incomprehensibili deo , impares futuræ sunt : nobilissima , simillimamque quam de deo cudere possumus , idea infinito longius intervallo ab ipso aberit , quàm quodvis à Sole parelium : licet enim meteorum illud splendidum quid , ac sublime videatur , Solique , sine cuius Radiis non producit adeò simile , ut statim illius imago cætera inter meteoza appareat , quia tamen nubi , cuius statio prope terram est inhæret , infinita penè distantia sub Sole depressa intelligitur , quoad splendorem , ac magnitudinem , variæque alia attributa : is meo quidem iudicio deum excellentius , veriusque veneratur , qui etiam perfectissimas intellectus sui ideas , infinitis creatoris sui perfectionibus infinities inferiores libens agnoscit , verius inquam quam is qui ipsius dotes singulares , ac attributa magnâ verborum pompâ descripsit.

Atqui iusta hîc me movet indignatio : ut hîc insinuem cum nostrorum etiam hymnorum , laudumque supremi illius entis pudere deceat , quanto obruendi sint ii pudore quondam , qui non tantum negligentius , sed aliquo etiam cum contemptu ac fortè etiam dubitatione de infinito illo , perfectissimoque ente loquuntur , cui ipsamet quibus abutuntur facultates ingeniumque uni debent : divinarum sanè præminentia perfectionum meritò nos ab earum celebratione deterteret nisi infinita ejusdem bonitas earum una foret : non igitur Dei quasi panegyrim tentabo , aut suscipiam , cum de eo facile nimium , satis nunquam loqui possimus : sat itaque habuero eas

F hugo

humiliter perfectiones adorare, quarum laudes meam potius impotentiam, quam ipsarum excellentiam exprimerent: cum, quæ summa de ineffabili hoc *objecto* verbis exprimi queunt, vel idcirco eidem exprimendo imparia sint, quod verbis exprimi possint: quæ quidem assertio licet inter paradoxa numerari queat, hyperbole tamen non est: neque enim vel cogitatione numerorum omnium maximum assequi possumus cum omnis assignabilis duplicari, aut multiplicari possit per alios numeros, aut radix esse quadrati numeri ac cubici; quo ignoto fortè hactenus tibi exemplo discere poteris quemcumque divinæ, puta, immensitatis conceptum, ut cætera nunc præteream attributa, quia finitum eidem exprimendæ esse imparemm: quum igitur est ut dissertationi tandem meæ limites præscribam, cum argumentum ipsum nullos adinittat.

Totius Operis Conclusio.

Ex dictis in præmissa excursionem, eorum, ut opinor, veritas sat elucebit, quæ sub initium hujus dissertationis diximus de summa quam intellectus humanus Deo debet veneratione; cum enim plurimas haud dubiè perfectiones possideat, quarum nullam nos habemus notitiam, aut etiam ne suspicionem quidem, atque obscuram admodum earum quæ nobis magis patent, potentiz inquam, ac sapientiz, cumque liquidò constet incircumscriptos harum limites à nobis attingi non posse, quam ob summam multiplicemque imperfectionem nostram inepti sumus, ut de Deo præcipitanter, aut audacius loquamur, tanquam de objecto quod finitus intellectus, aliorum instar objectorum complecti posset, quam profundis autem humilitatis nostræ sensibus affici nos par est, cum perpendimus quantum à supremo illo ente distiti sinus? aut potius sub eodem deprimamur, cum & nostra ipsius ignorantia, & cognitio, nostræ in eum pietatis fontes esse debeant: nostra enim necessaria ignorantia, perfectionum illius quarum etiam quædam nondum detectæ sunt, infinitudinem matrem agnoscit, nostræque cognitio id unum præstat ut minùs ignari conspiciarum Dei perfectionum sumus admiratores.

Hæc & ejusmodi alia si ritè perpendamus seriòque ac sedulò, statim dilucidè animadvertemus non levem nos tum ignorantiz, tum arrogantiz notam incurfuros si de divina natura, divinæque cognitionis amplitudine disseramus, tanquam de rebus quas introspicere possumus, ac metiri: cum debeamus quoties de Deo loquimur, ejusque attributis, vereri ne vel minùs rectè apprehendamus, aut

expo-